



册府元龜

卷之四百五十九
至五十七



13
849
149



明 4. 3
號 849
卷 149



册府元龜

淮南李嗣京參閱

西極文翔鳳訂正

豫章黃國可較釋

將帥部 一百十六

貪贖

兵法曰將貪財則姦不禁又曰貪而好利者可貨而賂也則有膺闕外之權專軍中之政性本貪猥志求苟得乘彼危亂破其國邑無勤卹之意肆仇歛之心復有邀君以求利受賄以徇私侵擾下民發掘丘墓

以至交通於異域接引於非類致人心之大失俾師律之不臧蓋本非賢材盜竊名器簡書屢告終亦不悟斧鉞一至其何以逃咸列于茲期以垂訓

羊舌鮒晉大夫晉侯治兵于邾南甲車四千乘三十萬人

羊舌鮒攝司馬鮒叔向弟攝兼官也遂合諸侯於平丘次于衛

地叔鮒求貨於衛淫芻蕘者欲使衛患之而致貨衛人使屠伯

饋叔向羹與一篋錦屠伯衛大夫曰諸侯事晉未敢携貳

况衛在君之宇下屋宇之下喻近也而敢有異志芻蕘者異

於他日敢請之請止之叔向受羹反錦受羹示不逆其意且非貨

晉有羊舌鮒者瀆貨無厭瀆數亦將及矣將不為禍為此

發也役事也子若以君命賜之其已各從之未退而禁

之禁芻蕘者

漢張武文帝時為將軍受賂金錢覺帝更加賞賜以

愧其心宋史市里會賦惟樂

魏丁斐字文侯初隨太祖太祖以斐鄉里特饒愛之

斐性好貨數犯罪輒得原宥為典軍較尉太祖征吳

斐隨行以家牛羸私易官牛太祖謂左右曰我非不

知譬如人家有盜狗而善捕鼠盜雖有小損而鼠不

竊完我囊貯遂復斐官裴金

晉張燕為巴西太守時秦州人鄧定等二千餘家饑

餓流人漢中保于城固漸爲劫盜梁州刺史張殷遣
燕討之定窘急僞乞降於燕并餽燕金銀燕喜爲之
緩師定密結李雄雄遣衆救定燕退定遂進逼漢中
太守杜正冲東奔魏與殷亦棄官而遁
羅尚爲平西將軍益州刺史西戎較尉性貪少斷蜀
人言曰尚之所愛非邪則佞尚之所憎非忠則正富
擬魯衛家成市里貪如豺狼無復極已又曰蜀賊猶
可羅尚殺我平西將軍反更爲禍

劉胤代溫嶠爲平南將軍都督江州諸軍事位任轉
高幹豪日甚縱酒耽樂不恤政事大殖貨財商販百
萬是時朝廷空罄百官無祿惟資江州運漕而胤商
旅繼路以私廢公有司奏免胤官書始下而胤爲郭
默所害

劉牢之爲鎮北將軍討孫恩于會稽牢之旣濟江恩
乃虜男女二十餘萬口一時逃入海懼官軍之躡乃
緣道多棄寶物子女時東土殷實莫不粲麗盈目牢
之等遽爭收歛故恩復得逃海
諸葛長民爲豫州刺史領淮南太守時宋武討劉毅
以長民監太尉留府事詔以甲仗五十人入殿長民
驕縱貪侈不恤政事多聚珍寶美色營建第宅不知

紀極所在殘虐爲百姓所苦

前燕慕容評爲太傅前秦苻堅使王猛伐慕容暉暉使評率衆拒之評性貪鄙鄆固山泉賣樵鬻水積錢緡知丘陵三軍莫有鬪志暉遣其侍中蘭伊讓評曰王高祖之子也宜以宗廟社稷爲憂奈何不務撫養勲勞專以聚斂爲心乎府藏之珍貨朕豈與王愛之若寇軍冒進王持錢帛安所置也皮之不存毛將安附錢帛可散之三軍以平寇凱旋爲先也

宋劉道璘爲都督荆湘益秦寧梁雍七州諸軍事護南蠻轅尉而貪縱過甚畜聚財貨嘗若不足去鎮之日府庫爲之空虛

王鎮惡爲安遠護軍武陵內史以討劉毅功封漢壽縣子蠻教師向傅抵根據阮頭屬爲克暴鎮惡討平之鎮惡性貪既破劉毅將朱襄因停軍抄掠諸蠻不時及及平姚泓時關中豐全倉庫殷積鎮惡極意收斂子女玉帛不可勝計高祖以其功大不問也

毛脩之爲右衛將軍不信鬼神所至必焚除房廟蔣山廟中有佳牛好馬脩之並奪取之

梁道真爲梁南秦二州刺史裴方明爲龍驤將軍並坐破仇池斷割金銀諸雜寶物又藏楊難當善馬下

獄死

劉德願爲游擊將軍領石頭戍事坐受賈客韓佛智貨下獄奪爵士

垣護之爲輔國將軍隸沈慶之伐西陽蠻護之所蒞多聚歛賄貨克積坐下獄免官

吳喜都督豫州諸軍事假冠軍將軍平荊州恣意剽虜賊私萬計

王玄謨爲寧朔將軍北征將士多離怨言玄謨又營貨利一疋布責人八百梨以此倍失人心及魏太武軍至乃奔退麾下散亡畧盡

張邵爲撫軍長史持節南蠻較尉坐在雍州營私蓄取贓貨二百四十五萬下廷尉免官

鄧琬爲左將軍性鄙闊貪吝過甚財貨酒食皆身自量較及晉安王子勣僭位琬使婢僕出市道販賣職歌博奕日夜不休

南齊張敬兒爲征西將軍於襄陽城西起宅聚財貨薛淵爲右將軍左司馬領軍討巴東王子響子響軍主劉超之被捕急以眠褥雜物十餘種賂淵自逃匿之軍中爲有司所奏詔原之

梁呂僧珍爲領軍將軍時宋季雅罷南康郡市宅居

僧珍宅側僧珍問宅價曰一千一百萬怪其貴季雅曰一百萬買宅千萬買隣及僧珍生子季雅往賀署函曰錢一千闔人少之弗為通彊之乃進僧珍疑其故親自發乃金錢也遂言於武帝陳其才能以為壯武將軍衡州刺史將行謂所親曰不可以負呂公在州大有政績
徐文盛為秦州刺史加都督東討與侯景戰大潰奔還荆州元帝仍以為城北面大都督又聚斂賦汚甚多世祖大怒下令責之數其十罪除其官爵
後魏元大興為長安鎮大將以贖貨剷除官爵

長孫敦字有襲父爵北平王為北鎮都將坐贖貨降為公

于祚為假節振威將軍沃野鎮將貪殘多所受納坐免官以公還第

于景為寧朔將軍高平鎮將坐貪殘受納為御史中尉王顯所彈會赦免

王建從道武破慕容寶衆於栢肆塢遂進圍中山慕容寶棄城走和龍城內無主百姓惶惑東門不閉道武將夜入乘勝據守其門建貪而無謀意在虜獲恐士卒肆掠盜亂府庫請候天明道武乃止是夜徙河

人共立慕容普麟爲主遂閉門固守
劉潔爲尚書令太武時累從征討嘗爲前鋒深見委
任拔城破國者聚斂財貨與潔分之籍其家產財盈
巨萬太武追忿言則切齒
公孫軌爲平南將軍屯壺關後爲虎牢鎮將太武將
北征發民驢以運糧使軌部調雍州軌令驢主皆加
絹二疋乃與受之百姓爲之語口驢無疆弱輔絹白
壯衆共嗤之坐徵還真君二年卒軌既死太武謂崔
浩曰吾行遇上黨父老皆曰公孫軌爲將受貨縱賊
使至今謀奸不除孰之咎也其初來單馬軌鞭逐去

從車百兩載物而南軌幸而早死至今在者吾必族

誅之

虎豹子爲安西將軍鎮長安坐盜官財徙於統萬

周觀爲高平鎮將有威名真君初詔觀統五軍西討
禿髮保周於張掖從其民數百家將置於京師至武
威輒與諸將私分之太武大怒黜觀爲金城侯假授
內都大官

田益宗爲安南將軍稍衰老聚斂無厭兵民患其侵
擾諸子及孫競規賄貨部內苦之咸言欲叛宣武深
亦慮焉乃遣中書舍人劉桃符宣旨慰諭庶以安之

桃符還啟益宗侵掠之狀宣武詔之曰風聞卿息曾生在淮南貪暴擾亂細民又橫殺梅伏生為爾不已損卿誠効可令魯生與使赴闕當加任使如欲外祿便授中畿一郡

邢巒為安西將軍梁秦二州刺史商販聚斂清論鄙爾朱仲遠為大將軍兖州刺史督東道諸軍仲遠天性貪暴大宗富族誣之以反沒其家口簿籍財物皆以入已自滎陽以東輸稅悉入其軍不送京師爾朱度律為大將軍在軍戎聚斂無厭所至之處為

百姓患毒隋劉昉為上大將軍性麤疎溺於財利富商大賈朝夕盈門女盈門帝藝為營州總管大治產業與北夷貿易家資鉅萬頗為清論所譏史萬歲為左領軍將軍時南寧夷爨翫遣使請降萬歲遣使馳奏請將翫入朝詔許之爨翫陰有二心不欲請闕因賂萬歲以金寶萬歲於是捨翫而還蜀王秀時在益州知其受賂遣使將索之萬歲聞而悉以所得金寶沉之於江索無所獲

權武爲潭州總管多造金帶遺嶺南首領其人復答以寶物武皆納之由是致富

宇文述爲左衛大將軍性貪鄙知人有珍異物必求取富商大賈及隴右諸胡子弟述皆接以恩意呼之爲兒由是競加餽遺金寶累積後庭曳羅綺者甚衆家僮千餘人皆控良馬被服金玉述之寵遇當時莫與爲比凡所薦達皆至大官趙行樞以太嘗樂戶家財億計述謂爲兒受其賂遺稱爲驍勇起家爲折衝郎將

唐獨孤懷恩高祖武德三年爲工部尚書率兵討澆

君素於蒲州懷恩素無籌畧貪冒財貨頗爲賊所敗高祖屢下詔責讓之

侯君集爲交河道行軍大總管破吐谷渾滅高昌之後威名漸著然性貪鄙當破吐谷高昌之際多沒無罪之家子女珍玩恣情入已將士知之亦多盜竊君集恐發其事不敢制及京師有司請推其罪詔下獄中書侍郎岑文本以君集陳諫事乃得釋

黨仁弘爲廣州都督坐王法聚財百餘萬當死太宗哀之免爲庶人徙欽州初人有上書告仁弘沒降獠爲奴婢擅賦歛夷獠甚多去職北還有七十船帝聞

之驚嘆曰知人實難誠不虛也仁弘狀貌魁偉在職
譬諸畫餅不可療饑矣

王昂為河東節度使貪縱不知法令務在聚以貨藩
身

路嗣恭為江南西道觀察使代宗大曆中嶺南將哥
舒晃反詔嗣恭兼嶺南節度使遂斬晃平五嶺拜檢

校兵部尚書知省事嗣恭起於郡縣吏以至大官皆
以恪理著稱及平廣州南船之徒多因晃事誅之嗣

恭前後沒其財寶數百萬貫盡入私室不以貢獻代
宗心甚銜之故嗣恭雖有平方面功止轉簡較尚書

無所酬勞

李叔明為東川節度近二十年叔明素豪侈總戎年

深積聚財貨崇飾第宅田園極膏腴子孫驕淫動踰

法度歿纔數年遺業盪盡故代之言多藏者咸以叔

明為鑒誠

李復為容州招討使歷嶺南鄭滑節度使久典方面

積聚財貨頗甚為時所譏

王佖為靈武節度使先是吐蕃欲成烏蘭橋每于河

濡先貯林木皆為節帥遣人潛藏之委於河流終莫

能成蕃人知佖貪而無謀先厚遺之然後併役成橋

遂築月城而圍守之由秘贖貨邊上至今患焉
 王鏐為嶺南節度使鏐以兩稅錢上供時進及供奉
 餘皆自入西南大海中諸國舶至則盡沒其利由是
 鏐家財富於公藏日發十餘艇重以犀象珠貝稱商
 貨而出諸境周以歲時循環不絕凡八年京師權門
 多富鏐之財拜刑部尚書後為淮南節度使每有饗
 宴輒錄其餘以備後用或云賣之收利皆自歸故鏐
 錢流行天下

鄭權自工部尚書由他徑求嶺南節度既到鎮則格
 聚財貨用償恩方俾小吏部送京國以分權俸輦運

纔至而殂謝已聞當時議者無不嗤鄙

高崇文自劍南西川節度移鎮邠寧初發成都盡載

其軍資金帛器幕伎及樂功巧以行又云崇文持其

帛藏之富百工之巧舉而自隨蜀郡一帛

李道古為鄂岳沔蘄安黃都團練觀察使代柳公綽

總兵平淮西道古佻黠無器畧及赴鎮倍道而行以

數騎徑入安州城時公綽垂未意道古至惶駭而出

家財多為所奪

李象古為安南都護為土賊所殺象古籍蔭緒入官

無他志能性貪鄙居官黷貨尚苛刻故及於難

田縉爲夏州節度性貪虐多隱沒軍賜羗渾種落苦其漁擾遂引西蕃爲寇御史中丞崔植奏攝詣臺按劾得縉前在夏州遣將於度支請將士軍糧及脚價共計三萬四千三百餘貫文不支給將士留於上都私第及雜士易送本道贓狀明白坐貶房州司馬并本判官邢翥盧仲通皆坐貶部將趙榮流涪州公胡証爲嶺南節度使証在外鎮好掊歛財貨厚自奉養脩行坊起甲第連亘閭巷車服器用窮極豪侈議者罪之

渾鐵爲豐州刺史克天德軍使坐贓七千餘貫貶袁州司戶憲宗以其父咸寧王勳烈特異故特命有司俯從輕文

鄭注爲鳳翔節度使誅後度支奏注家得絹一百餘萬疋他物稱是李泳爲河陽節度使泳本以市人發跡禁軍以賄賂交通遂至方鎮初任鎮武節度轉爲河陽所至以貪殘爲務特所交結不果憲章犒宴所陳果實以木刻綵績之聚歛無已人不堪命遂至於亂文宗開成二年六月河陽軍亂數日方止泳貶澧州長史梁王瑛爲陝州節度使奢縱聚歛民不堪命

後唐毛璋為華州節度使莊宗同光末討蜀以璋為
行營右廂馬軍都指揮使魏王繼岌自西川至渭南
部下散亡其州貨妓樂為璋所掠
溫韜仕梁為耀州節度使在州七年唐帝諸陵發掘
殆遍盡取其金寶惟乾陵以風雨屢作終不能發
陶玘明宗天成初鄆州留後聚斂無節贓污頗甚為
所部縣令盛歸仁所訟貶嵐州司戶後賜死

晉房知溫為平盧軍節度使厚斂不已積貨百萬治
第於南城出入以妓樂相隨任意所之曾不以政事

為務

趙在禮歷滑魏滄兗同襄鄆徐晉昌十餘鎮節度在
禮善治生殖積財巨萬兩京及所至藩鎮皆邸店羅
列凡聚斂所得唯以奉權豪崇釋氏而已

張籤在後唐為右千牛衛將軍同正領饒州刺史同
光末權知西京留守魏王繼岌平蜀王衍入朝至秦
州驛莊宗遣中使向延使盡戮王衍之族所有奇貨
盡歸於延嗣繼岌至渭南死衍金寶妓樂籤悉獲之
俄而明宗使人誅延嗣延嗣暗遁衍之行裝復為籤
有後為西衛將軍時湖南馬希範與籤有舊朝廷請
命籤為使允之籤密賫蜀之奇貨往焉又獲十餘萬

緡以歸

潘環爲宿州團練使後爲金州澶州節度使環所至以聚斂爲務在州時有牙將因微過見怒環給言答之牙校因託一尼嘗熟于環者獻白金兩錠尼詰環曰牙較餉餒脚兩枚求免其責環曰餒有幾脚尼曰三脚環復曰今兩能成乎尼以三數致之時人號環爲潘餒脚

祕環爲鎮州節度使董溫其衙內指揮使溫其在位貪暴積銀巨萬溫其陷蕃環害其家悉輦之以藏其家遂自稱留後

李金全爲涇州節度使在鎮以括斂爲務長興中受代歸闕始進馬數十匹不數日又進之明宗召而謂之曰卿患馬多耶何進貢之多也又謂曰卿在涇州日爲理如何無乃以馬爲事乎金全慙謝而退帝雖僂俛受之而心不懌金全累更名郡藩鎮所在括聚斂財賂結權要而掩其弊政之迹帝頗聞其不廉故以言譏之後天福初自滄州節度使罷鎮歸闕會安州屯將王暉殺節度使周環高祖遣金全以騎兵千人鎮撫其地未及境暉爲部下所殺金全至亂軍數百人皆不自安金全說遣赴闕密伏兵於野盡殺之

又擒其軍較武彥和等數十人斬之初金全之將行也高祖戒之曰王暉之亂罪莫大焉但慮封守不寧則民受其弊因折矢飛詔約以不戮一人仍許以暉爲唐州刺史又謂金全曰卿之此行無失吾信及金全至聞彥和等當爲亂之日劫掠郡城所獲財貨悉在其弟遂殺而奪之金全楊光遠爲河陽節度使時范延光致仕輦囊裝妓妾居於河陽光遠利其奇貨且慮爲子孫之讎因奏延光不家汴維出舍外藩非南走淮夷則北走胡虜宜早除之高祖以許之不死鐵券存焉持疑未允光遠

乃遣子承勳以甲士圍其第逼令自裁延光曰天子在上安得如此乃遣使者乞移居洛下得及浮橋推於流而溺殺之矯奏云延光自投於河朝廷以適會其意弗之理踰歲入覲高祖爲致曲宴教坊伶人以光遠暴斂重賦因陳戲譏之光遠殊無慙色尋以光遠爲平盧軍節度使光遠表奏請與長子同行尋授承勳萊州防禦使及赴任僕從妓妾至千餘騎滿盈僭侈爲方嶽之最下車之後惟以刻剝爲事

漢白再榮爲護聖左廂都指揮使晉末契丹犯闕明年虜王北去再榮從虜帳至真定其年閏七月晦李

筠何福進相率殺虜帥麻答諸軍乃請權知留後事再榮以季崧和凝携家在彼令軍士數百人環迫崧家以求賞給崧疑各出家財與之再榮欲害崧以利其財前磁州刺史李穀謂再榮曰公與諸將爲契丹所虜凌辱萬端日久憂死今日纔得生路便擬殺一宰相他日到闕儻有所問何以爲辭再榮默然又括率在城居民家財以給軍事李穀又譬解之乃止其漢人曾事麻答者盡拘之以取其財高祖以再榮爲鎮州留後爲政貪虐難狀鎮人呼爲白麻答未幾移授滑州節度使箕歛誅求民不聊生乃徵還京師

劉銖爲青州節度使銖受代之日有私鹽數屋雜以糞穢填塞諸井以土平之節度使符彥卿發其事以聞銖奉朝請久之

李守貞爲兗州節度討青州楊光遠光遠子承勳等乞降守貞入城害光遠等光遠孔目吏宋頰盡以光遠財寶名姬善馬告於守貞守貞得之置於帳下周宋彥筠仕梁爲開封府牙校莊宗有天下擢領禁軍伐蜀之役率所部康延孝爲前鋒入成都據一甲第中資貨鉅萬妓女數十輩盡爲其所有

嘗思爲宋州節度使廣順三年詔赴闕改授平盧軍

節度使思將赴鎮奏太祖云臣在宋州出放得絲十餘萬兩謹以券上進且行徵督太祖領之

王守恩歷諸衛將軍晉開運末守恩因假告歸於潞時潞州節度使張從恩懼契丹之盛將朝於戎王以守恩婚家甚倚信之乃移牒守恩請權爲巡檢使從恩旣去守恩等以潞城歸於漢祖仍盡取從恩之家財漢祖卽以守恩爲招義軍節度使漢乾祐初授西京留守守恩性貪鄙委任羣小以措歛爲務雖病殘癯者亦不免其科率人甚苦之洛都常有豪士爲二姓之會守恩乃與伶人數輩夜造其家自爲賓客恩

獲白金數笏而退太祖以白文珂代之守恩甚懼而雖人有曾爲守恩非理割剝者皆就其第徵其舊物守恩一一償之及赴闕止奉朝請而已

鄭仁誨爲澶州節度使廣順末王殷受詔赴闕太祖遣仁誨赴鄴都巡檢及殷得罪仁誨不奉詔卽殺其子蓋利其家財妓樂也及仁誨卒而無後人以爲陰貴焉

李彥頤顯德中爲延州兵馬留後到鎮頗以殖貨爲意窺圖贖利侵漁蕃漢部人羣情大擾

齊藏珍爲諸衛世宗准上用兵復委監護與軍較何

起領兵降下光州藏珍欺隱官物甚多

冊府元龜

淮南李嗣京參開

西極文翔鳳訂正

豫章黃國琦較釋

將帥部

不和

傳曰師克在和不在衆又曰安民和衆蓋軍旅之尚和也久矣夫師出以律順成爲臧固當輯睦兵戎克濟勳略其有處營衛之任握旗鼓之要受賑借出援

抱並行志從帥之義恣兼人之勇專逞其欲不相為謀或大呼於私門或盛氣於幕府至有乖異籌畫違沮期會反干戈而鬪奪鼓吹以往棄公家事為讐方利以至覆軍奪爵而不悔焉孟子云天時不如地利地利不如人和誠哉是言矣

晉申晉大夫魯文公十二年冬秦伯伐晉取羈馬

邑晉人禦之趙盾將中軍荀林父佐之郤缺將上軍

史駢佐之欒書將下軍胥甲佐之范無恤御戎以從

秦師于河曲史駢曰秦不能久請深壘固軍以待之

從之秦人欲戰秦伯謂士會曰若何而戰

晉士會七軍奔秦

對曰趙氏新出其屬曰史駢必實為此謀將以老我

師也史駢趙盾屬大夫新出佐上軍趙有側室曰穿晉君之婿也

之子穿趙有寵而弱不任軍事弱年少也又未嘗涉知軍事好勇

而狂且惡史駢之佐上軍也若使輕者肆焉其可

往而十二月戊午秦軍掩晉上軍趙穿追之不及

退也獨追之不動趙穿反怒曰累糧坐甲固敵是求敵至不擊將

何俟焉軍吏曰將有待也待可穿曰我不知謀將獨

出乃以其屬出宣子曰秦獲穿也獲一卿矣秦以勝

歸我何以報乃皆出戰交綏司馬兵法曰逐奔不遠從綏不及逐奔不遠則

難誘從綏不及則難陷然則古名退軍為綏秦秦行

晉志未能堅戰短兵未致爭而兩退故日交綏

叔軍行右轅左追羣在軍之右者扶轅為戰備左右者追求草羣為宿備傳曰令尹

南轅又曰改乘轅前茅慮無慮無如今軍行前有斥候

楚陳以轅為主中權後勁中軍制謀

為幡見騎步賊舉絳白幡備慮有無也茅明也或曰時楚以茅為旌識

後以清百官象物而動軍政不戒而備物猶類也能

用典矣其君之舉也內姓選於親外姓選於舊言親

用舉不失德賞不失勞老有加惠賜老則旅有施舍

旅客來者施之君子小人物有服章尊卑賤有等威尊卑禮不違矣德立刑行政成事時典

從禮順若之何敵之見可而進知難而退軍之善政

也兼弱攻昧武之善經也昧昏亂子姑整軍而經武

乎姑且猶有弱而昧者何必楚彘子曰不可彘子晉

所以霸師武臣力也今失諸侯不可謂力有敵而不

從不可謂武繇我失霸不如死且成師以出聞敵疆

而退非夫也非丈夫命為軍帥而卒以非夫唯羣子能

我弗為也以中軍佐濟佐彘子所師知莊子曰此師

始哉莊子荀首周易有之在師坎下坤之臨兌下坤

初六變曰師出以律否臧凶此師卦初六爻執事順

而之臨初六變成為臧逆為否今彘子逆命不順衆散為弱坎為衆

兌兌川壅為澤坎為川今變為兌有律以知已也如

索弱法行則人從法敗則法從人坎為法象今故曰律

為衆則散為川則壅是失法之用從人之義

否臧且律竭也竭敗也坎變為兌是法敗盈而以竭天且不整所

以凶也水遇天塞不得整流則竭涸也不行之謂臨水變為澤乃成臨卦澤不行之

物有帥而不從臨孰甚焉此之謂矣譬彘子之尊命亦不可行果

遇必敗遇敏彘子尸之主此禍雖免而歸必有大咎明年晉人

殺先穀韓獻子謂桓子獻子曰韓厥曰彘子以偏師陷子罪大

矣子為元帥師不用命誰之罪也失屬亡師為罪已

重不如進也今鄭屬楚故曰失屬彘子以偏師陷故曰亡師事之不捷惡有

所分捷成也與其專罪六人同之不獲愈乎三軍皆敗則六卿同

罪不得獨責元帥師遂濟

荀偃晉大夫將中軍士句佐之趙武將上軍韓起佐

之欒黶將上軍魏絳佐之魯襄公十四年夏諸侯之

大夫從晉侯伐秦晉侯待于境使六卿帥諸侯之師

以進至于殽林殽林秦地不獲成焉秦不服荀偃令曰鷄鳴

而駕塞井夾窳示不友唯余馬首是瞻言進退從已欒黶曰

晉國之命未是有也余馬首欲東乃歸欒惡偃自專故棄之歸

下軍從之左史謂魏莊子曰不待中行伯乎中行伯荀偃也

莊子魏絳也左史晉大夫莊子曰夫子命從帥夫子謂荀偃欒伯吾帥

也吾將從之從帥所以待夫子也伯游曰吾今實過

悔之何及多遺秦禽軍師不和恐多為秦所禽獲乃命大還晉人

謂之遷延之役

吳子山吳王子魯定公四年吳伐楚楚敗吳入郢以

班處宮以尊卑班次子山處令尹之宮夫槩王欲攻

之懼而去之夫槩王入之入令尹宮也言吳無禮所以不能遂克

荀瑤晉大夫魯悼公四年帥師圍鄭悼公哀公之子寧也哀公出孫

悼公魯人立未至鄭駟弘曰知伯復而好勝知伯荀偃也早下

之則可行也行去聲乃先保南里以待之保守也南里在城外知

伯入南里門于桔枿之門知伯謂趙孟入之對曰主

在此主謂知伯也言主在此何不自入知伯曰惡而無勇何以爲子

惡貌醜也簡子廢嫡子伯魯而立襄子故夫知伯言其醜且無勇何故立以爲子對曰以能

恐恥廢無害趙宗乎知伯不悛趙襄子繇是慕知伯

其毒也遂喪之

漢荀彘爲左將軍楊僕爲樓船將軍擊朝鮮左將軍

破浪水上軍乃前至城下圍其西北樓船亦往會居

城南其王右渠遂堅城守數月未能下左將軍素侍

中幸幸親於天子將燕代卒悍乘勝軍多驕樓船將齊卒

入海已多敗亡其先與右渠戰因辱亡卒卒皆恐將

心慙其圍右渠嘗持和節左將軍急擊之朝鮮大臣

廼陰間使人私約降樓船與樓船爲要約而請降往來言尚未

肯決左將軍數與樓船期約戰樓船欲就其約不會

左將軍亦使人求間隙降下朝鮮不肯心附樓船以

故兩將不相得左將軍心意樓船前有失軍罪

意疑也

今與朝鮮和善而又不降疑其有反計未敢發天子

曰將率不能前乃使衛山諭降右渠不能顛決與左

將軍相誤卒沮約

顛與專同卒終也沮壞也

今兩將圍城又乖異

以故又不決使故濟南太守公孫遂往正之有便宜

得以從事遂至左將軍曰朝鮮當下久矣不下者樓

船數期不會具以素所意告遂曰今如此不取恐為

大害非獨樓船又且與朝鮮共滅吾軍遂亦以為然

而以節召樓船將軍入左將軍軍計事即令左將軍

戲下執縛樓船將軍

戲讀與麾同

并其軍以報朝鮮平左

將軍徵至坐爭功相嫉乘計棄市樓船將軍亦坐兵

至列口當待左將軍

列口縣名也度海先得之

擅先縱失亡多當

誅贖為庶人

後漢耿夔為雲中太守行度遼將軍夔勇而有氣數

侵陵匈奴中郎鄭戡元初元年坐徵下獄以減死論

答三百

魏桓範為征虜將軍東中郎將都督青徐州軍事與

徐州刺史鄭岐爭屋引節欲斬岐為岐所奏不直坐

免

蜀劉封為先主養子為副軍初先主定益州劉璋遣

扶風將軍孟達與法正各將兵二千迎先主先主因
令達并領兵眾進攻上庸先主陰恐達難獨任乃遣
封自漢中乘沔水下統達軍封與達忿爭不和封率
奪達鼓吹達既懼罪又忿恚封遂發表辭先主率所
領降魏

劉琰為車騎將軍領兵千餘隨丞相亮後主建興十
年與前軍師魏延不和言語虛誕亮責讓之遣歸成
都

魏延為前軍師征西大將軍延既善養士卒勇猛過
人又性矜高當時皆避下之唯楊儀不假借延延以

為至忿有如水火建興十二年亮出北谷口延為前
鋒去亮營十里秋亮病困密與長史楊儀司馬費禕
護軍姜維等作身歿之後退軍節度令延斷後姜維
次之若延或不從命軍便自發亮適卒祕不發喪儀
令禕徃撫延意指延曰丞相雖亡吾自見在府親官
屬便可將喪還葬吾自當率諸軍擊賊云何以一人
死廢天下之事邪且魏延何人當為楊儀所部勒作
斷後將乎因與禕共作行留部分令禕手書與已連
名告下諸將禕給延曰當為君還解楊長史長史文
吏稀更軍事必不違命也禕出門馳馬而去延尋悔

追之已不及矣延遣人覘儀等遂使欲案亮成規諸營相次引軍還延大怒纔儀未發率所領徑先南歸所過燒絕閣道延儀各相表叛逆一日之中羽檄交至後主以問侍中董允留府長史蔣琬琬允咸保儀疑延儀等槎山通道晝夜兼行亦繼延後延先至據南谷口遣兵逆擊儀儀等令何平在前禦延平叱延先登曰公亡身尚未寒汝輩何敢乃爾延士衆知曲在延莫爲用命軍皆散延獨與其子數人逃亡奔漢中儀遣馬代追斬之致首於儀儀起自踏之曰庸奴復能作惡不遂夷延三族

吳潘濬初仕蜀先主爲荊州治中典留州事與關羽不睦吳大帝襲羽遂入吳

周瑜爲將軍性度恢廓人率爲得人惟與程普不睦江表傳曰普自以年長數陵侮瑜瑜折節容下終不與杖普後自敬服而親重之乃告人曰與周公瑾交若飲醇醪不覺自醉時人以其謙讓服人

孫皎堅弟靜子也爲征虜將軍嘗以小故與甘寧忿爭或以諫寧寧曰臣子一例征虜雖公子何可專行侮人邪吾值明主但當輸效力命以報所天誠不能隨俗屈曲矣權聞之以書讓皎曰自吾與北方爲敵中間十年初時相持年少今者且三十矣孔子言三

十而立非但謂五經也授卿以精兵委卿以大任都護諸將於千里之外欲使如楚任昭奚恤揚威於北境非徒相使逞私志而已近聞卿與甘興霸飲因酒發作侵陵其人求屬呂蒙督中此人雖寵豪有不如人意時然其較畧大丈夫也吾親之者非私之也吾親愛之卿踈憎之卿所為每與吾違其可又乎夫居敬而行簡可以臨民愛人多容可以得衆二者尚不能知安可董督在遠禦寇濟難乎卿行長大特受重任上有遠方瞻望之觀下有部曲朝夕從事何可恣意有盛怒邪人誰無過貴其能改宜追前愆深自咎

責今故煩諸葛子瑜重宣吾意臨書推愴心悲淚下
致得書上疏陳謝遂與寧結厚

南齊曹虎為平北將軍聚兵襄陽建武四年魏軍攻
沔北虎與南陽太守房伯玉不協不意赴救乃移頓
樊城

陳王質仕梁為寧遠將軍吳州刺史領鄱陽內史荆
州陷侯瑱鎮于湓城與質不協遣偏將羊毫伐質且
以兵臨之質率所部渡信安嶺依于留異時文帝鎮
會稽以兵助質令鎮信安縣
後魏崔亮為鎮南將軍攻梁將趙祖悅於硤石時李

平爲鎮軍大將軍兼尚書右僕射爲行臺節度諸軍
一以稟之以軍法從事平部分諸軍將水陸兼進以
討堰賊亮達平節度以疾請還隨表而發平表曰臣
以梁將湛僧日道龍游魂境內猶未收跡義之神念
尚住梁城令都督崔亮權據下蔡別將兗生卽往東
岸與亮接勢以防橋道臣發引向堰舍人曹道至奉
勅更有處分而亮已輒還京案亮受付東南推轂是
託誠應憂國忘家致命爲限而始屆汝陰盤桓不進
暨到寇所停淹八旬所營土山攻道並不克就損費
糧力坐延歲序賴天威遠被士卒憤激東北騰上乘

至北門而亮遲迴仍不肯上臣逼以白刃甫乃答勝
及平硤石宜聽處分方更肆其專恣輕輒還歸此兩
不糾法將焉寄案律臨軍征討而故留不赴者死又
云軍還先歸者流軍罷無還尚有流坐况亮被符令
停委棄而反失乘勝之機闕水陸之會緣情據理咎
深故留今處亮死上議靈太后令曰亮爲臣不忠去
留自擅旣損威稜違我經畧雖有小捷豈免大咎但
吾攝御萬機庶茲惡殺可將聽以功補過及平至亮
與爭功於禁中形於聲色

爾朱兆爲都督十州諸軍事世襲并州刺史齊神武

之克雍州也兆與其族仲遠度律約共討之仲遠度律次於陽平兆出并陘屯於廣阿衆號十萬神武廣縱反間或云世隆兄弟謀欲害兆復言與歡同圖仲遠等於是兩不相信各致猜疑徘徊不進仲遠等頻使斛斯椿賀拔勝往諭之兆輕騎三百來就仲遠同坐幕下兆性羸獷意色不平手舞馬鞭長嘯凝望深疑仲遠等有變遂趨出馳還仲遠遣椿勝等追而曉譬兆遂拘縛將還經日放遣仲遠等於是奔退神武乃進擊兆兆軍大敗兆與仲遠度律遂相疑阻度律大懼引軍還兆將斬勝數之曰爾殺可孤罪一也天

柱薨後復不與世隆俱來罪二也我欲殺爾久矣今復何言勝曰可孤作逆爲國巨惠勝父子誅之其功不小反以爲罪天下未聞天柱被戮以君誅臣勝寧負王不負朝廷今日之事生死在王但知賊密邇內構嫌隙自古迄今未有不破亡者勝不憚死恐王失策兆乃捨之後與爾朱兆陳於韓陵度律惡兆之驍悍懼其凌已勒兵不進勝以其攜貳遂率麾下降於神武

北齊李希光爲安南將軍南兗州刺史文宣責陳武廢蕭明命儀同蕭軌率希光東方光裴英起王敬寶

步騎數萬伐之以天保七年三月渡江襲克石頭城
五將各位相伴英起以侍中爲軍司蕭軌與希光並
爲都督軍中抗禮不相服御競說謀畧動必乖張頻
軍丹陽城下值霖雨五十餘日及戰兵器並不堪施
用故致敗亡將帥俱死士卒得還者十二三所沒器
械軍資不可勝紀

王琳初自梁歸齊乃鎮壽陽琳在鎮與行臺尚書盧
潛不協更相是非被詔還鄴武成置而不問除滄
州刺史

後周趙剛爲利州總管時剛以信州濱江負阻表請

討之詔剛經畧仍加渠州刺史剛師出險年士卒疲
弊尋復亡叛後遂以無功而還又與所部儀同尹才
失和被徵赴闕遇疾卒於路
隋李藝大業中屢以軍功官至武賁郎將煬帝征遼
令藝督運於北平受武衛大將軍李景節度藝少習
戎旅軍法嚴肅然使氣縱暴每凌侮景頗爲景所辱
藝甚術之
唐淮陽王道玄高祖時爲雒州總管劉黑闥引突厥
寇山東令道玄率吏萬寶以擊之萬寶與之不協及
道玄出戰萬寶擁兵不進謂所親曰我奉手詔淮陽

小兒雖有軍事進止終委老夫何得輕脫妄戰大軍若動必陷泥濘此敗之道也莫若結陣以王啗之雖不利於王而利於國淮陽若敗賊必爭進我堅陣而待之破賊必矣須臾護軍柳濬戰死道玄復陷於陣軍遂敗萬寶將戰士卒莫有鬪志於是大潰道玄尋遇害時年十九

薛萬徹爲青丘道將軍伐高麗在軍中與副將裴行方不協太宗貞觀二十三年有人上書告萬徹有怨望之詞於是廷辯曲直萬徹辭屈乃除名流于蒙州蘇定方爲右屯衛將軍高宗顯慶初從程知節討阿

史那賀魯與其別部鼠尼施戰于馬娑川大破賊衆追奔二十里斬首千餘級獲馬二千匹死馬及所棄甲伏綿亘山野不可勝計副總管王文度害其功謂知節曰雖云破賊官軍亦有死傷蓋未決成敗法耳何急而爲此事自今正可結爲方陣輜重盡納腹中四面布隊人馬被甲賊來卽戰自保萬全無爲輕脫致有傷損文度又矯稱別奉旨以知節恃勇輕敵使文度爲節制遂收軍不許深入終日跨馬被甲結陣繇是馬多瘦死士卒疲勞無有鬪志定方謂知節曰本來討賊今乃自守馬餓兵疲逢賊卽敗怯懦如此

何繇立功又公爲大將闢外之事而許自節制別遣
軍副專其號令理必不然須因擊文度飛表奏之知
節不從至怛篤有胡開門乞降文度又曰此我兵迴
此還作賊不如盡殺取其資財定方曰如此自作賊
耳何成伐叛文度又不從乃分財唯定方一無所取
師還知節文度皆被劾除名乃擢定方爲軍行大總
管以征賀魯於是率兵金山之北先擊處木昆部落
大破之

薛仁貴爲邏逆道行軍大總管其副將郭待封嘗爲
部賊鎮守與仁貴齊列及仁貴爲大總管恥在其下
每事多建議違之軍至大非川將進赴烏海仁貴謂
待封曰烏海險遠車行艱澁若引輜重將失事機又
破賊卽迴又煩轉運彼多瘴癘無宜久留大非川嶺
上寬平足堪置柵可留二萬人作兩柵輜重並留柵
內吾等輕銳倍道掩其未整卽撲滅之矣仁貴遂率
衆先行至河遇賊擊破之斬獲甚衆收其牛羊萬餘
頭進至烏海城以俟後援待封不從仁貴之策領輜
重繼進未至烏海吐蕃二十萬餘悉衆救其前軍迎
擊待封敗走趨出軍糧及輜重並爲賊所掠仁貴遂
退屯大非川吐蕃又益四十餘萬來拒戰官軍又大

敗死傷畧盡仁貴待封及阿史那道真並脫身走免
 李光弼為朔方行營既平懷州朝旨欲速收東都城
 光弼屢抗表請候時而動不可輕進僕固懷恩貳子
 光弼乃潛上言曰賊可討詔遂從懷恩言逼光弼進
 軍列陣于北邙山下賊悉發精銳來拒官軍不利詔
 以本非光弼謀乃徵懷恩入拜工部尚書留在京師
 又徵光弼入拜河南副元帥都統河南淮西山南東
 道等節度使移鎮汴州
 李抱真為澤潞節度使馬燧領河陽三城抱真嘗欲
 殺懷州刺史楊鉢鉢奔燧納之且奏其無罪抱真不

勝其忿後用解邢州圍所獲軍糧燧全有之而後給
 與抱真抱真益怒洹水之捷諸軍進至魏州田悅領
 五騎突犯燧營李筦疾出援之抱真自固不為動燧
 將攻悅城假攻具於抱真又請雜兩軍之伍冀分其
 功抱真皆不諾而請獨當一面繇此隙甚不復相見
 諸軍以是頗逗撓德宗數使中人和解之
 韓弘為宣武節度統諸軍討淮西時賊軍嘗徑攻烏
 重裔之壘重裔禦之中數槍馳請救於忠武軍節度
 李光顏光顏以小澱橋賊之係也乘其無備使其大
 將出穎宋朝隱襲而取之遂平其城壘繇是不克救

重裔韓弘以光顏違令取穎及朝隱將戮之穎及朝
隱勇而多材軍中皆惋惜之光顏畏弘不敢留會中
使景忠信至知其情乃矯詔令所在械繫之走馬入
見具以本末聞憲宗赦忠信矯詔罪卽往釋穎及朝
隱弘及光顏迭以表論憲宗謂弘使曰穎等違都統
令當處死但光顏以其襲賊有功亦可宥之軍有三
令五申宜捨此以收來效及以詔諭弘不悅
劉沔爲太原節度使討迴紇初沔以精兵六千留鎮
橫水柵以備殘虜自逆太和公主還宮後太原功最
爲先幽州張仲武亦降滅迴鶻赤心宰相王子將軍
等數萬人繼受詔追襲烏介可汗恃其兵與沔不足
朝廷知之曾遣御史中丞李回因和解仲武終不平
之帝方委仲武北收殘虜乃移沔滑州以李石爲太
原節度以代之
梁謝彥章爲許州節度使末帝貞明四年冬滑州節
度使賀瓌爲北面招討使彥章爲排陣使同領大軍
與晉人對壘是時咸謂瓌能將步軍彥章能領騎士
旣名聲相軋故瓌衷心忌之一日與瓌同設伏于郊
外瓌指一方地謂彥章曰此地岡阜隆起中央坦夷
好列柵之所尋而晉人舍之故瓌疑彥章與晉人通

又瓌欲速戰彥章欲持重以老敵人瓌益疑之會
行營馬步都虞侯朱珪所誣瓌遂與珪協謀因享士
伏甲以殺彥章及濮州刺史孟審澄別將侯溫裕等
於軍以謀叛聞晉王聞之喜曰彼將帥如是亡無日
矣審澄溫裕亦善將騎軍然所領不過三千騎多而
益辦唯彥章有焉

劉鄩軍於莘縣未帝遣使問鄩決勝之策鄩曰臣無
奇術但人給糧十斛盡則破敵未帝大怒讓鄩曰將
軍蓄米將療饑耶將破賊耶乃遣中使督戰鄩集諸
校而謀曰主上深居宮禁未曉兵家與白面兒矢

終敗人事大將出征君命有所不受臨機制變安可
預謀今揣敵人未可輕動諸君更籌之時諸將皆欲
戰鄩默然他日復召諸校列坐軍門人具河水一器
因命飲之衆未測其旨或飲或辭鄩曰一器而難若
是滔滔河流可勝旣乎衆皆失色居數日鄩率萬餘
人薄鎮定之營時鄩軍淹至上下騰亂殺獲甚多少
頃晉軍繼至乃退二年三月鄩自莘引軍襲魏州與
晉王戰於故元城王師敗績鄩脫身南奔自黎陽濟
河至滑州尋授滑州節度使詔屯黎陽

後唐康延孝初名李紹琛爲保義軍節度使莊宗同

光三年討蜀爲先鋒排陣使平蜀之功延孝居最時
邠州節度使董璋爲行營右廂馬步使華州節度使
毛璋爲行營左廂馬步使以軍禮當事延孝郭崇韜
私愛董璋及西川平定之後崇韜每有軍機必召璋
參決延孝不平之時延孝軍於城西毛璋軍於城東
董璋軍於城中延孝因酒酣謂董璋曰吾有平蜀之
功公等樸遯相從反首鼠于侍中之門謀相傾陷吾
爲都將公乃裨較力能斬公璋惶恐謝之而退酒罷
璋訴于崇韜崇韜陰銜之乃署董璋爲東川節度使
落軍職延孝怒謂毛璋曰吾肩白刃犯險阻平定兩

川董璋何功遽有其地二人因謁見崇韜曰東川重
地宜擇良帥工部任尚書有文武才幹甚洽衆心請
表爲東川帥崇韜怒曰紹琛反耶敢違吾節度延孝
等惶恐而退未幾崇韜爲繼岌所害二人因責董璋
曰公復鼠首何門璋俛首祈哀而已
宋洪實爲兵馬軍都指揮使閔帝應順元年二月判
六軍諸衛事唐義誠將議出征帝幸左藏庫親給軍
士錢帛是日義誠與洪實同於庫中面論用兵利害
洪實言自出軍討逆累發兵師今聞小訶無一人一
騎來者不如禁軍據門自固彼安敢徑來然後徐圖

進取全策也義誠怒曰若如此言洪實反矣洪實曰
公自惟誰反其聲漸厲帝聞召而詳之洪實猶理前
謀又曰義誠言臣圖反據發兵討義誠反必矣帝不
能辨遂命誅洪實

周慕容彥超漢初爲澶州節度使杜重威叛於鄴下
以鄴州節度使高行周爲招討使彥超爲副及兵至
城下二師不協杜重威之子婦卽行周之息女也行
周用兵持重彥超舉措輕易彥超欲速於攻城行周
以爲未可彥超乃揚言稱行周以愛女之故惜賊而
不攻行周忿之漢祖聞其事懼有他變以是親征及

車駕至鄴彥超數因事凌迫行周行周不勝其憾嘗
一日至行營幕次兩泣告於執政聲氣甚厲聞於至
尊又自掬糞茹于口中分雪其事宰相蘇逢吉樞密
使楊邠密奏於漢祖漢祖深知彥超之曲遣二臣和
解行周亦召彥超於帳中責之兼令首過於行周行
周稍解

王峻爲內客省使永興趙思縮亂峻爲郭從義兵馬
都監從義與峻不協甚如水火

符彥卿天雄軍節度使顯德元年從世宗親征河東
命彥卿赴忻州時契丹駐忻北遊騎每及近郊其月

冊府元龜 卷之四百五十一
二十三日彥卿與諸將勒兵列陣以待之先鋒將史
彥超以二千騎遇賊於前彥超勇憤俱發左右馳擊
解而復合者數四當其鋒者無不顛仆李筠張承德
以偏師自後擊之軍退史彥超死之不獲其屍前鋒
為虜隔絕我軍重傷者數百人蕃戎死者亦衆是行
諸將論議各有矛盾故不能成大功
張承德顯德中為殿前都指揮使守下蔡與淮南招
討使李重進素不協每宴將吏各暴其短一日承德
乘醉乃大言重進潛畜姦謀當時將校無不驚駭
冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

臺省部

總序

三代之前職官之制罕存於載籍靡得而周詳然考
於遺文觀其大指尚作司徒以敷五教即周之地官
也伯夷作秩宗以典三禮夔典樂以和人神即周之
春官也咎繇作士以正五刑即周之夏官秋官也乖

作共工以利器用卽周之冬官也龍作納言出入帝命卽周之內史也雖其名未正然其職已同周之天官曰冢宰地官曰司徒春官曰宗伯夏官曰司馬秋官曰司寇冬官曰司空是爲六卿方於後世冢宰卽今之吏部也司徒卽今之戶部也宗伯卽今之禮部也司馬卽今之兵部也司寇卽今之刑部也司空卽今之工部也秦漢之制以丞相御史大夫領朝政九卿分庶職其御史屬官有二丞秩千石一曰中丞在殿中蘭臺掌圖籍祕書外督刺史內領侍御史員外十五人受公卿奏事舉劾按章

事具憲
官門又有符節御

史主符璽位次御史中丞郎中令屬官有太中大夫中大夫諫大夫掌論議皆無員多至數十人後改太中大夫爲光祿大夫比二千石中大夫比千石諫大夫比八百石謁者掌賓贊受事員七十人秩比六百石少府屬官有尚書武帝以遊宴後庭以中官主中書遂罷尚書之官至成帝建始四年罷中書置尚書五人一人爲僕射四人分爲四曹通掌圖祕記章奏之事各有其任其一曰嘗侍曹主丞相御史公卿事其二曰二千石曹主刺史郡國事其三曰民曹主吏民上書事其四曰主客曹主外國夷狄事後又置三

公曹主斷獄分爲五曹又置丞四人郎四人其一主
 匈奴單于其一主羗夷吏民其一主戶口墾田其一
 主財帛委輸又以左右曹諸吏分平尚書奏事又以
 大將軍事騎將軍大司馬領尚書事皆爲樞要又有
 中書謁者又有侍中中書侍入直禁中諸吏舉非法
 散騎騎而散從無嘗職給事中侍從左右無嘗員皆
 列侯將軍卿大夫博士已下加官焉又有議郎掌顧
 問應對侍中尚書謁者皆有僕射古者重武官故有
 主射以督課之後漢以御史大夫爲司空中丞遂爲
 御史臺率其屬有治書侍御史二員事具刑
法部侍御史

十五員

事具憲
官門

蘭臺令史六百石掌奏及印工文書

又有尚書令一員掌凡選舉及奏下尚書曹文書

事秩千石故公爲之者秩二千石朝會不陞奏事咸

銅印墨綬屬官有僕射一人秩六百石置尚書事

至景

帝分置左
右僕射

尚書六人秩六百石初分六曹一口三公

曹主歲盡考課諸州郡事二曰吏部曹改前漢嘗侍

曹爲之主選舉祠祀事三曰民曹主繕脩工作鹽池

園苑事四曰客曹主護駕羗胡朝賀事五曰二千石

曹主辭訟事六曰中都官曹主水火盜賊事凡六曹

并令僕二人謂之八座尚書雖有曹名不以爲官號

靈帝以侍中梁鵠為選部於此始見曹各置左右丞各一人郎三十四人秩四百石郎主作文書起草更直五日於建禮門內初從三署郎詣臺試守尚書郎中歲方稱尚書郎三年稱侍郎選有吏能者為之又和帝以太傅錄尚書事尚書始有錄名其後以三公為之蓋唐虞大麓之職又置侍中給事黃門侍郎散騎給事中前後同兩漢尚書而下皆文隸少府而已魏置御史中丞治書侍御史皆如漢制又置侍御史凡八人又置治書執法掌奏劾又置殿中侍御中禁防御史事具邦憲部又置尚書令一人尚書僕射或一人

或二人置二人則為左右若令闕則左為省主又有選部左民客曹大兵度支五尚書又置二丞又置殿中吏部駕部金部虞曹比部南主客祠部度支庫部農部水部儀曹三公倉部民曹二千石中兵外兵部兵別兵考功定課凡二十三郎青龍二年又置都官騎兵二郎每一郎缺白試諸孝廉能結文案者五人謹封奏具姓名補之凡尚書令僕射尚書三品左右丞郎中六品又置謁者十人僕射一人四品又置侍中四人其加官則非數掌儻贊威儀大駕出則次在侍中護駕正直侍中負璽陪乘餘不帶劍皆騎從登

殿與散騎嘗侍對仗侍中居左嘗侍居右備切問近對拾遺補闕又置給事黃門侍郎四人又置散騎嘗侍無員掌規諫不典事貂璫侍中左插散騎右插又置員外散騎掌侍無員散騎侍郎四員與侍中給事黃門侍郎共平尚書奏事又置給事中無員凡侍中散騎嘗侍三品給事中給事黃門侍郎員外散騎嘗侍散騎侍郎五品武帝初為魏王又置秘書令典尚書奏事文帝黃初初改為中書置監令各一人

秘書具

御監

又置通事郎次黃門郎黃門郎已署事過通事

郎乃置名色署奏入帝省讀書可其給事黃門侍郎

並如漢制凡中書令三品中書侍郎五品中書通事舍人七品符節御史別為一臺掌授節銅虎符竹使符晉御史中丞治書侍御史如魏制侍御史置九人殿中侍御史四人江左減二人又有檢校御史

事於具憲

官又置尚書令秩千石銅印墨綬進賢兩梁冠納言

曠五時朝服佩水蒼玉食俸月五十斛受拜則冊命之賈克以目疾表置省事吏四人省事蓋自此始也僕射與魏同又置吏部三公客曹駕部屯田度支六尚書咸亨二年省駕部四年省一僕射又置駕部太康中改置吏部殿中五兵田曹度支左民六尚書又

置右民度支五尚書祠部嘗與右僕射通職不置祠
 部則以右僕射攝之闕右僕射則以祠部攝知其事
 又以左丞主臺內禁令宗廟祠祀朝儀禮制選用署
 吏悉假右丞掌臺內庫藏廬舍凡諸器物及廩振租
 布刑獄兵器督錄遠道文書章表奏事又置直事殿
 中祠部儀曹吏部三公比部金部倉部度支都官二
 千石左民右民虞曹屯田起部水部左右士駕部車
 部庫部左右中兵左右外兵別兵都兵騎兵左右士
 北主客南主客凡三十四曹後又置運曹凡置郎二
 十三人更相統攝及江左罷直事左民屯田車部別

兵都兵騎兵左右士運曹其後罷虞曹二千石有殿
 中祠部吏部儀曹三公比部金部倉部度支都官左
 民起部水部主客駕部庫部中兵外兵十八曹郎後
 又省主客起部水部共十五曹又咸康中分置三錄
 王導荀崧陸晞爲之又有四錄郎四人叅錄又西朝
 張華江左庾亮竝闕尚書七條又何充參闕尚書自
 漢而後八座及郎初拜竝集都座交禮遷職又解官
 焉西朝八座丞郎朝晡詣都座江左唯朝而退凡尚
 書令僕射尚書竝三品左右丞郎竝六品又置侍中
 如魏制哀帝興寧四年省二人後復舊又置給事黃

門侍郎四人又置通直散騎嘗侍二人並令員外散騎嘗侍與正員散騎嘗侍通直故謂之通直又置員外散騎嘗侍侍郎元帝又置通直散騎侍郎二人後增置四人散騎嘗侍給事黃門散騎侍郎皆如魏制江左始罷其平尚書奏事又置中書令監而已下皆如漢制改通事郎為中書侍郎江左初復曰通事郎後復為中書侍郎又武帝初置舍人通事各一人江左舍人為通事舍人掌呈奏案後省之以侍郎直西省凡侍中散騎嘗侍中書監令並三品給事中給事黃門散騎中書侍郎並五品門下中書舍人第七品宋

置御史中丞治書侍御史殿中侍御史如晉制

事具憲官

門又置謁者臺謁者僕射一人掌大拜授及百官班次謁者十人掌小拜授及報章先是晉省謁者僕射以謁者隸蘭臺江左復置俄省大明中復置尚書寺有尚書令任總樞衡僕射尚書分領諸曹僕射領殿中主客凡二曹吏部尚書領吏部刪定三公比部凡四曹祠部尚書領祠部儀曹凡二曹度支尚書領度支金部倉部起部凡四曹左民尚書領左民駕部凡二曹都官尚書領都官丞部庫部論功凡四曹五兵尚書領中兵外兵凡二曹若營宗廟宮室則置起部

事畢省之又高祖置騎兵主客起部凡四曹合晉十
五為十九郎文帝元嘉十年省儀曹主客比部騎兵
四郎十一年並十八年增刪定郎事見刑部三十年置
功論郎明帝省騎兵凡二十郎比部工法制度支主
算都官主軍事刑獄其餘諸郎所掌各如其名自漢
已後尚書官上朝及下朝禁斷行人丞郎見尚書呼
曰明時郎見二丞呼曰左君右君其屬有都令史令
史書令史書朝之名或減或益其制不嘗但八座解
交丞郎已下不復解交也孝武不欲威權外假故罷
錄焉其後或置或否凡尚書令僕射尚書並三品丞

郎並六品又置侍中而下皆如晉制初散騎嘗侍與
侍中通官其後漸替大明雖革選比侍中而人情久
習終不見重又置中書令中書舍人各一人中書侍
郎四人中書通事舍人四人初以中書侍郎掌呈奏
案及置通事舍人則侍郎之任輕舍人直內閣隸中
書其下有主事本用武官宋改用吏凡侍中散騎嘗
侍中書監令並三品給事黃門散騎中書侍郎並五
品南齊之制置御史丞一人治書侍御史二人侍御
史十人謂之蘭臺事見憲官門又置謁者僕射一人謂之
謁者臺又置尚書令為內臺主行遇諸王以下皆禁

駐無令則左僕射為臺主與令同左僕射領殿中客
 三曹通關諸曹亭又置吏部尚書領吏部刪定三公
 比部凡四曹度支尚書領度支金部倉部起部凡四
 曹左民尚書領左民尚書領左民駕部凡二曹都官
 尚書領都官水部庫部功論凡四曹五兵尚書領中
 兵外兵凡二曹祠部尚書領儀曹與右僕射通職領
 祠部不並置起部尚書與官室宗廟權置事畢而省
 左丞掌宗廟郊祠格制案彈選用等事右丞掌兵士
 百工庫藏刑誨訟等事白案右丞上署左丞次署黃
 案左丞上署右丞次署凡二十四曹各置郎中令史

以下又置都令史又庫部領武庫令駕部領車府令
 丞起部領材官將軍司馬是謂之尚書臺又置侍中
 祭酒高功者稱之侍中謂之門下給事黃門侍中世呼小
 門下焉門下領公車令太官太醫令丞內外殿中監
 內外驛驛廐丞又置散騎通直散騎員外散騎嘗侍
 散騎通直散騎員外散騎侍郎給事中奉朝請駙馬
 都尉謂之集書省又置中書監令各一人侍郎四人
 通事舍人無員謂之中書省梁御史臺初置御史大
 夫天監元年復為中丞屬官治書侍御史殿中侍御
 史事具憲官門又有符節令史員事見憲官門謁者臺署謁者

僕射一人掌朝覲賓饗之事屬官謁者十人掌奉詔出使拜假朝會饋贊等事謁者僕射六班尚書省置令左右僕射吏部祠部度支在戶部官五兵尚書左右丞各一人吏部刪定三公比部祠部儀曹虞曹主客度支殿下金部倉部左右戶駕部起部屯田都官水部庫部功論中兵外兵騎兵等郎二十三人尚書掌出納王命敷奏萬機令總統之僕射副焉廢置之制亦與齊同凡尚書文書詣中書發者密事皆以契囊盛之封左丞印自晉已後八座及郎多不奏事天監元年始詔曹郎依舊奏事三年又置侍郎詔通直

郎凡郎中在職勤能滿三歲者遷爲侍郎又有五都令史與左右丞共事省中謂之尚書五都用人嘗輕九年革用士流視奉朝請駕部別領車府署庫部別領南北武庫署凡尚書令爲十六班尚書僕射爲十五班吏部尚書爲十四班列曹尚書爲十三班吏部郎爲十一班左丞爲九班右丞爲八班侍郎爲六班郎中爲五班又門下省置侍中給事黃門侍郎各四人掌侍符從左右賓相威儀盡規獻納糾正違闕監合掌御藥封璽書侍中高功者在職一年詔加侍中茶酒與侍郎高功者一人對掌禁令凡領公車大官

太醫司令驛驅廐丞集書省置散騎通直散騎嘗侍
散騎通直散騎侍郎各四人又置員外散騎嘗侍給
事中奉朝請無員並侍從左右獻納得失省諸奏聞
文書意異者隨事為駁焉諸優文策文平處諸文章
詩頌嘗侍高功者一人為祭酒與侍郎高功者一人
對掌禁令糾諸違天監六年又革嘗侍之選分門
下二局隸散騎嘗侍又令尚書案分曹入集書自是
散騎視侍中通直視中丞員外視黃門郎中書省置
監令各一人掌出納帝命侍郎四人高功者一人主
省事又有通事舍人主事令史等員通事舍人入直

內閣以才而授不限資多以他官兼領其後除通事
直云中書舍人凡中書監為十五班中書令為十三
班侍中散騎嘗侍為十二班通直散騎嘗侍為十一
班給事黃門員外散騎嘗侍為十班中書侍郎為九
班散騎侍郎為八班給事中中書舍人通直散騎侍
郎為六班員外散騎侍郎為三班奉朝請為二班陳
承梁制其國政事並繇中書省中書有舍人五員領
主事十人分掌二十一局各受尚書諸曹是為上同
總國內機要尚書聽受而已被委此官多擅權勢後
魏之初官號多同於晉而未具建國初置內侍長四

人若侍中散騎嘗侍後又置都統長自侍中已下中散已上皆統之皇始元年始建省曹天興元年置八部大夫散騎嘗侍詔等官八部大夫皇城四方四維面置一人以擬八座謂之八國嘗侍詔侍直左右出入王命二年分尚書三十六曹及諸外署凡置三百六十曹令大人主之四年罷外蘭臺御史總屬內省又復尚書三十六曹曹置代令史譯令史各一人奏史二人天賜二年復罷尚書三十六曹郎別置武師脩勤二職武師比郎中脩勤比令史分主省務三年置散騎侍郎四年置侍官侍直左右出納詔命

永興元年置騏驎官四十一人宿直殿省比嘗侍侍郎始光元年置左民尚書神麤元年置左右僕射左右丞諸曹尚書二十餘人各居別寺興安二年置駕部尚書左士尚書太和十一年置散騎官一百人朝請二百人十五年置侍中黃門各四人散騎嘗侍侍郎各四人通直散騎嘗侍郎員外散騎嘗侍侍郎各六人又置侍官一百二十人孝文太和二十三年復次職令臺省之官有御史中尉治書侍御史侍御史殿中侍御史檢校御史又有謁者僕射謁者又有尚書令僕射尚書左右丞郎中都令史主事令史又有侍

中給事黃門侍郎又有散騎嘗侍通直員外散騎嘗侍散騎通直員外侍郎給事中奉朝請又有中書監令侍郎舍人又有諫議大夫而職局所治本志不載北齊御史臺掌察糾彈劾之中尉一人治書侍御史二人侍御史八人殿中侍御史檢校御史十二人侍中四人領符節署令一人符璽郎四人已上事見憲官序 謁者臺掌諸吉凶之事導相禮儀凡僕射二人謁者三十人謁事一人尚書省置令僕射吏部殿中祠部五兵都官度支等六尚書又有錄尚書一人位在令上掌與令同但不糾察令則彈糾見事與御史中丞更

相廉察僕射職為執法置二則為左右僕射皆與令同左糾彈而右不糾彈錄令僕射總意六尚書事謂之都省其屬官左丞掌吏部考功主爵殿中儀曹三公祠部度支主客左右中兵左右外兵都官二千石度支左右戶十七曹並彈糾見事又主管轄臺中右違失者兼駁之右丞掌駕部虞曹屯田起部都兵比部水部膳部倉部金部庫部十一曹亦管轄臺中又主凡諸用度雜物脂燈筆墨幃帳唯不彈糾餘悉與左同并都令史八人共掌其事其六尚書分糾六曹吏部統三曹吏部掌褒崇選補等事考功掌考等及

秀孝貢士等事主爵掌封爵等事殿中統四曹殿中
掌駕行百官畱守名帳宮殿禁衛供御衣食等事儀
曹掌吉凶禮制事三公掌五時讀時令諸曹囚帳斷
罪赦口建金鷄等事駕部掌車輿牛馬廐牧等事祠
部統五曹祠部掌祠祀醫藥死喪賜等事主客掌諸
番雜客等事屯田掌籍田諸州屯田等事起部掌諸興
造工匠等事祠部無尚書則右僕射攝五兵統五曹
左中兵掌諸督告身諸宿衛官等事右中兵掌畿內
丁帳手力蕃兵等事左外兵掌河南及潼關巴東諸

州丁帳召兵征發等事右外兵掌河北及潼關巴西
諸州所典與左外同都兵掌鼓吹大樂雜戶等事都
官統五曹都官掌圻內非逆得失等事二千石掌畿
外得失等事比部掌詔書律令勾籍等事水部掌舟
船津梁公私水陸等事膳部掌侍官百司禮食餼饌
等事度支統六曹度支掌計會凡軍國損益事役糧
廩等事倉部掌諸倉帳出入等事左右掌天下計椽
戶籍等事右戶堂天下公私田宅租調等事金部掌
權衡度量內外諸庫藏文帳等事庫部掌凡是械杖
器用所須等事凡二十八曹吏部三公郎中各二人

餘並一人凡三十郎吏部儀曹三公虞曹鄩官二千石比部左戶各量事置掌故主事員門下省掌獻納諫正及司進御之職侍中給事黃門侍郎各六人錄事四人通事令史八人統領左右局監各二人直長四人掌宣傳尚食局典御二人丞監各四人掌御膳尚藥局典御及丞各二人侍御師尚藥監各四人掌御藥主衣局都統子各二人掌御服齋師局齋師四人掌陳設洒掃統殿中局殿中監四人掌駕前奏引行事中書省管司王言及司進御之音樂監令各一人侍郎四人又領舍人省掌署勅行下宣音勞問中

書舍人主書各十人集書省掌諷議左右從容獻納散騎嘗侍通直散騎嘗侍各六人諫議大夫七人散騎侍郎六人員外散騎嘗侍二十人通直散騎侍郎六人給事中六十人員外散騎侍郎一百二十人奉朝請二百四十人又領起居省散騎嘗侍通直散騎嘗侍散騎侍郎通直散騎侍郎各一人較書郎二人凡其官品皆同後魏後周追用成周之制有天官大冢宰地官大司徒春官人宗伯夏官大司馬秋官大司寇冬官大司空並正七命又小冢宰小司徒小宗伯小司馬小司寇小司空上大夫並正六命天官之

屬左右司命宗師左宮伯御正御伯御膳太府計部
等中大夫地官之屬有鄉伯左右遂伯每方縣伯每
方畿伯每方載伯師氏等中大夫春官之屬有禮制
宗廟以祀內史大史大司樂等中大夫夏官之屬有
軍司馬職方吏部左右武伯兵部大馭司右駕部武
職等中大夫秋官之屬有司憲刑部蕃部兵部等中
大夫冬官之屬有工部匠師司水司土司金水部等
中大夫並五命天官小宗師小左宮伯小御正小膳
部太醫少醫小計部等下大夫地官小鄉伯鄉大夫
每鄉小遂伯遂大夫每遂小稍伯稍大夫每稍小縣

伯縣大夫每縣小畿伯畿大夫每畿小畿師小師氏
保氏司倉司門司市春官小守廟小典祀小內史外
史典命小史小司樂太學博士大小太祝司車路爨
采等下大夫夏官小職方小吏部小右武伯小兵部
小馭戎馭齊馭小司右戎右齊右司射小駕部小武
藏等下大夫秋官小刑部掌朝布憲小蕃部小賓部
司要田正司隸下大夫冬官小匠師小司木小司土
小司金小司水司玉司皮司色司職司弁等下大夫
並正四命天官司會小宗師宗師宗正小右宮伯右
侍中小御正主寢御伯掌小膳部內膳外膳小醫醫

正瘍醫太府王府內府外府左府右府絳工藥工小
 計部掌出司內奄等上士地官民部吏小鄉伯鄉伯
 州長海州小遂伯遂正小稍伯稍正小縣伯縣正小
 畿伯畿正小載師司農司均司賦司役小師氏保氏
 司諫司救司媒小司倉小司門小司廐右廐典牲典
 祀典馳典帛獸醫司袍襖司弓矢司稍司甲司刀等
 中士秋官司憲司判鄉法遂法稍法縣法畿法方憲
 掌囚掌察司約司盟職金掌璧司厲循問掌瑾禁殺
 戮禁遊禁暴司寤掌交司正司儀東掌客南掌客西
 掌客北掌客掌訝司環野廬象譜掌貨賄司烜伊氏

司祚司難掌大司迹弋禽捕獸掌皮弭妖翦蠹掌罪
 隸掌夷隸掌蠻隸掌戎隸掌狄隸徒等中士冬官工
 部內匠外匠司量司量准司度掌杖車工角工爨工
 器工弓工箭工廬工復工陶工塗工典并冶工鑄工
 鍛工函工雕工掌津舟工典魚典彘槌工磬工石工
 裘工履工鞞工鞞工韋工膠工毳工績工漆工油工
 弁工織絲織絲織臬織組竹工籍工罟工紙工等中
 正並正二命天官會宗正右騎侍右宗侍右庶侍右
 勳侍主璽食醫外膳典庖典饌酒正餼藏掌醢司鼎
 廌掌兵王藥正醫瘍醫內小臣奄內司服奄內婦功

奄巷伯奄等下土地官儻正母儻司封掌鹽掌璣典
 牧典牛土訓神訓神倉稷倉黍倉稻倉荳倉麥倉米
 倉鹽倉典麴典春典磴掌節宮門城門司關均工正
 准泉府山虞澤虞林衡掌禽掌囿掌圃掌炭掌芻等
 下士春官禮部小守廡奄司几筵司樽彝掌鬱司宮
 充穢司雞司社司郊掌次御史較書典瑞典服司玄
 理禮司謂樂胥歌司鐘磬司鼓司吹司舞籥章掌散
 樂典夷樂典庸器龜占筮占占夢視視司巫視視喪
 祝甸祝詛祝神士典路司車司嘗小夏朱掌墓職喪
 等下士夏官軍司馬旅土方山師川師懷方訓方右

武賁倅長右旅賁倅長右射擊倅長右翫衛倅長右
 羽林倅長右游擊倅長武侯倅長司火司辰衛枚右
 廩閑長典馳典羊獸醫司袍襖司弓矢司稍司甲司
 刀盾等下士秋官司憲旅小刑掌囚掌察司約司盟
 職金掌筮司厲循閭掌謹禁殺戮禁游禁暴司寤小
 蕃司行掌訝司環野廬象譖掌貨賄司烜市小虞部
 等上士春官禮部小守廟小典祀司郊掌次小內史
 著作小典命司寂小史馮相保章小司樂太學助教
 小學博士樂師小卜小祝小司車路守陵等上士夏
 官軍司馬小職方小吏邾司士司勳司錄小右武伯

右武賁率右旅賁率右射聲率右驍騎率右羽林率
 右游擊率小兵部武環率武侯率司固道馭田馭小
 司右賓右道右田右小司射司伎小田駕部右廐典
 牝典牲獸醫等上士秋官司憲小刑部司刺鄉法遂
 法稍法縣法畿法方憲小掌朝掌察小布憲小蕃掌
 交司正小賓部司儀東掌客南掌客西掌客北掌客
 小田正小司要小司隸等上士冬官工部小匠師內
 匠外匠掌材小司水小司土小司金銀工兩工小司
 水典壅小司玉小司皮小司色小司織小司卉等上
 士亞正三命天官司會宗正右侍右侍右後侍主寢

司服給事掌式內膳外膳典庖典膳酒正餼藏掌醢
 司直俎掌水醫正瘍醫王府內府外府左府右府絳
 工染工掌納當出小司內小臣奄內司服奄典婦功
 奄巷伯等中正地官人部史小鄉正州長每州小遂
 伯遂正小稍伯稍正小縣伯縣正小畿伯畿正司封
 司農司均司賦司役掌鹽每池中士掌遺典牧典牛
 司諫司救司媒士訓誦訓神倉黍倉稷倉稻倉荳倉
 麥倉米倉鹽倉典契典春典磴掌節宮門城門司關
 均工平準泉府山虞澤虞林衡川衡掌禽掌囿掌薪
 掌芻等中士春官禮部凡筵搏奕掌鬱司鬯充犧司

鷄司郊司社御史著作典瑞典服司寂司玄治禮司
 謁馮相保章小學助教樂胥司鐘磬司歌司鼓司吹
 司舞籥章掌散樂典夷樂典庸器龜占筮占視祲司
 巫喪祝詛祝神士典路司車司掌守陵掌墓職喪等
 中士夏官軍司馬士方師川師懷方訓方司士司勳
 司錄右武賁率右旅賁率右射聲率右驍騎率右羽
 林率右游擊率俠長司固司火司辰御牧司仗右伊
 耆氏司調司詐司難掌大司迹弋禽捕獸掌皮弭妖
 前盡度囊掌罪隸掌夷隸掌蠻隸掌戎隸掌北狄隸
 掌徒等下士冬官工部旅司量司量准司度車工角

工鑿工器工弓工箭工廬工復工陶工塗工典中冶
 工鑄工鍛工函工雕工掌津舟工典魚典旒工磬
 工石工裘工履工鞞工韋工膠工毳工績工漆工油
 工弁工織絲織練織泉織組竹工籍工罟工紙工等
 下正並正一命此雖各六官然後魏御史尚書中書
 之任咸在其中矣隋初罷六官之制御史臺大夫一
 人治書侍御史二人侍御史八人殿中侍御史監察
 御史各十二人錄事二人仍依舊入直禁中事具憲
官門
 尚書省事無不總置令左右僕射各一人總吏部禮
 部兵部都官度支工部等六曹事是為八座屬官左

右丞各一人都事八人分司管轄吏部尚書統吏部
 侍郎二人主爵侍郎一人司勳侍郎一人考功侍郎
 一人禮部尚書統禮部祠部侍郎各二人兵部尚書
 統兵部職方侍郎各二人駕部庫部侍郎各一人都
 官尚書統都官侍郎二人刑部比部侍郎各一人司
 門侍郎二人度支尚書統度支戶部侍郎各二人金
 部倉部侍郎各二人工部尚書統工部屯田侍郎各
 二人虞部水部侍郎各二人凡三十六侍郎分司曹
 務直宿禁省如漢制父北齊已後置行臺省陪有令
 僕射丞左右兵部兼吏部度支兼都官尚書及考功

兼部主爵禮部兼祠部膳部兵部兼職駕部庫部刑

吏司勳度支兼倉部戶部兼比金部工部屯田兼水

部侍郎每行臺省食貨農圃武器百工監副監各一

人各置丞副監有差開皇三年詔尚書左僕射掌判

吏部禮部兵部三尚書事御史糾不當者兼糾之右

僕射掌判都官度支工部三尚書事又知用度尋改

度支尚書為戶部都官尚書為刑部凡尚書令正二

品左右僕射從二品尚書正三品左右丞從四品為

上階吏部侍郎正四品前階諸曹侍郎正六品上階

門下省納言二人給事黃門侍郎四人錄事通事令

史各六人又有散騎嘗侍通直散騎嘗侍各四人諫
議大夫七人散騎侍郎四人員外散騎侍郎六人通
直散騎侍郎四人並掌部從朝直又有給事二十人
員外散騎侍郎一十人奉朝請四十人並掌同散騎
嘗侍等兼出使勞問統城門尚食尚藥符璽御府殿
內等六局城門局監門較尉二人直長四人尚食局
典御二人直長四人食醫四人尚藥局典御一人侍
御醫直長各四人醫師四十人符璽御府殿內局監
各二人直長各四人內史省置監令各一人尋廢監
置令二人侍郎四人舍人八人通事舍人十六人主

書十人錄事四人又增置通事舍人十二人爲二十
四人凡納言內史監正三品給事黃門侍郎內史侍
郎止四品職事黃門侍郎爲上階散騎嘗侍爲從三
品通直散騎嘗侍爲正四品諫議大夫爲從四品散
騎侍郎員外散騎嘗侍爲正五品前階通直散騎侍
郎爲從五品上階內史舍人正六品上階通事舍人
給事爲從六品上階員外散騎侍郎爲正七品上階
奉朝請爲從七品煬帝卽位多改革殿內并尚書門
下并尚書門下內史祕書以爲五省殿內祕書事
具卿監門增
置謁者司隸二臺并御史爲三臺又有殿內御史增

置監察御史一十六員開皇中御史直宿禁中至是
罷之又置主簿隸事各二人

事具憲官門

謁者臺置大夫

一人掌受詔勞問出使慰撫持節察受冤枉以申奏

之駕出侍御史引駕置司朝謁者二人以貳之屬官

有丞主簿各一人又有通事謁者二十人即內史通

事舍人之職也次有議郎二十四人通直三十六人

將事謁者三十人謁者七十人皆掌出使其後廢議

郎通直郎將事謁者謁者等人而置員外郎八十員

又詔門下內史御史司隸謁者五人司監受以為嘗

式不復專謁者矣又置散騎郎二十人丞議郎通直

郎宣德郎宣義郎各三十員徵事郎將仕郎嘗從郎

奉信郎各五十人俄改嘗從為登仕奉信為散從皆

主出使量事大小據品以發之

丞議郎已下至唐司為散官其任輕矣

隸臺大夫一人嘗巡察別駕二人嘗分察御史十四

人分察所掌又置丞主簿隸事各一人後罷司隸臺

而置司隸從事之名不為嘗員

事具憲官門

尚書省六曹

各置侍郎一人以貳尚書之職又增左右丞與六侍

郎並正四品諸曹侍郎並改為郎又改吏部為選部

郎禮部為議曹郎刑部為憲部郎工部為起部郎以

異六侍郎之名又廢諸司員外郎增曹郎為二員都

司郎各一員又置都事主事令史隨曹閒劇每十令
史置一主事不滿十者亦置一人其餘四省三臺亦
皆曰令史餘則府令史後又改主客郎為司蕃郎俄
又減曹郎一人置承務郎一人同員外之職門下省
置黃門侍郎員外二人去給事之名又移給事郎置
四人從五品次黃門省讀奏案廢散騎嘗侍通直散
騎嘗侍諫議大夫散騎侍郎等員又改符璽監為郎
置二人從六品又以城門殿內尚食尚藥御府等五
局隸殿內省十二年又改納言為侍內內史省置侍
郎二人減內史舍人為四人加置起居舍人二人改

通事舍人隸謁者臺減主書員置四人十二年又改
內史為內書唐置御史臺置大夫一員掌揚邦國刑
憲典章以肅正朝列中丞二人為貳屬官侍御史四
人殿中侍御史六人監察御史十人主簿一人又東
都留臺置中丞侍御史各一人殿中侍御史二員監
察御史三員事具憲官門尚書省龍朔二年改為中臺光
宅初改為文昌臺神龍初復舊領二十四司一曰吏
部領主爵司勳考功二曰戶部領度支金部倉部三
曰禮部領祠部主客膳部四曰兵部領職方駕部庫
部五曰刑部領都官比部司門六曰工部領屯田虞

部水部龍朔二年改吏部曰司列主爵曰司封考功
曰司績戶部曰司元度支曰司度金部曰司珍倉部
曰司度禮部曰司禮祠部曰司禋膳部曰司膳兵部
曰司戎職方曰司城駕部曰司輿庫部曰司庫刑部
曰司刑都官曰司僕比部曰司計工部曰司工屯田
曰司田虞部曰司虞水部曰司川咸亨元年並復舊
光宅元年改吏部爲天官戶部爲地官禮部爲春官
兵部爲夏官刑部爲秋官工部爲冬官神龍元年並
復舊天寶十一載改吏部爲文部兵部爲武部至德
二年復舊置令一人總領百官儀刑端揆國初文皇

帝爲之自後不置左右僕射各一人以貳令之職後
不置令以僕射總省事左右丞各一員紀正省内左
丞勾吏部戶部禮部三司右丞勾兵部刑部工部十
二司事吏部戶部禮部兵部置侍郎各二員禮部刑
部工部置侍郎各二員吏部戶部兵部各置郎中員
外二員司勳置員外郎二員左右司及司封而下諸
司各置郎中員外一員各分掌其所領之事龍朔二
年改左右僕射爲左右康政左右丞爲左右肅機尚
書爲大嘗伯侍郎爲小嘗伯左右司郎中爲左右丞
務郎中爲大夫咸亨元年復改左右肅機爲左右丞

大夫爲郎中光宅元年改左右康政爲文昌左右丞相神龍元年改文昌左右丞相爲尚書左右僕射開元元年改左右僕射爲左右丞相天寶元年復改左右丞相爲左右僕射省又有都事主事令史書令史分行曹事尚書令正二品左僕射從三品左丞正四品上左右丞正四品下永昌元年昇爲從三品如意元年復舊尚書正三品吏部侍郎正四品諸司侍郎中並從五品上員外郎並從六品上咸亨元年改爲黃門門下省龍朔二年改爲東臺光宅元年改爲鸞臺神龍元年復爲門下開元元年改爲黃門省五年

改爲門下省置侍中二員掌出納帝命綽炤皇極總典史職贊相禮儀以利萬邦以弭庶務所謂佐天子而統大政也凡軍國之務與中書令參而總焉坐而論之行而舉之此其大較也又置侍郎二員掌二侍中之職給事中四員掌陪侍左右分判省事凡百司奏抄侍中審定侍郎覆省給事中讀而署之以較正違失制勅大事覆奏而請施行小事署而頒之又置左右散騎嘗侍二人掌侍從規諷備顧問應對左諫議大夫四員掌侍從贊相規諫諷諭起居郎二員掌以修記事之史右補闕右拾遺各二員掌供奉諷諫

扈從乘輿凡發令舉事有不便于時不合於道大則
庭議小則上封若賢良之遺滯於下忠孝之不聞于
上則修其事狀而薦言之又置典議二員贊者十二
人掌殿上贊喝之事禮門又置城門郎四員掌京
城皇城宮殿諸門啓閉之節及出納管鑰又置符璽
郎四人掌八寶及國之符節又有錄事主事令史書
令史傳制楷書門僕以分掌曹事先是武德初改隋
之侍內曰納言龍朔二年改納言曰東臺左相改左
右散騎嘗侍曰左右侍極給事中曰東臺舍人起居
郎曰左史咸亨中復曰納言左右散騎嘗侍給事中

起居光宅初以東臺曰鸞臺神龍初又改納言曰侍
中開元三年又改侍中曰黃門監五年又改黃門監
曰侍中天寶二年又改侍中曰左相至德二年又改
左相曰侍中又領弘文館武德初置之名昭文館後
改爲弘文館又改爲昭文館開元七年復曰弘文館
右大學士多以宰相領之又有學士無員數掌詳正
圖籍教授生徒凡朝廷有制度必革禮儀輕重得丞
議焉較書郎二人掌較理典籍刊正錯繆領學生三
十人中書省初沿隋制曰內書省武德三年改曰中
書省龍朔二年改曰西臺光宅二年改爲鳳閣神龍

元年復為中書省開元元年改為紫微五年復為中書省置中書令之職掌軍國之政令緝熙帝載統和天人入則告之出則奏之以利萬邦以度百揆蓋佐天子而執政也又置侍郎二員掌貳令之職置舍人六員掌侍奉進奏叅議奏章凡詔旨中書令置侍郎奉舍人署而行之舍人事具詞臣門又置右散騎嘗侍起居舍人左補闕右拾遺各二員散騎而下並與左同起居舍人掌脩善之史侍中中書令三品至德中昇為二品兩省侍郎初正四品至德中昇為正三品嘗侍初從三品廣德中昇為正三品給事中舍人正五品

一諫議大夫初正五品上會昌二年昇為正四品下與丞相出入選用起居郎舍人從六品上左右補闕從七品上左右拾遺從八品上有主書主事令史傳判分行曹事焉先是武德初改隋之內書令曰內史令又改為中書令龍朔二年改中書令為西臺左相起居舍人曰右史咸亨中復改為中書令起居舍人光宅元年改中書令為鳳閣令神龍初改鳳閣令曰中書令開元元年改中書令曰紫微令五年復為中書令天寶二載改中書令曰右相至德二年復改右相曰中書令領四方館置通事舍人十六人掌朝見

引納及辭謝及四方通表華夷納貢之事又領集賢
 殿書院掌判緝古今之經籍以辨明邦國之大典先
 是梁武帝於文德殿藏書北齊有文林館學士後周
 有麟德殿學士明皇於西京乾元殿廊下駕部書于
 東都麗正殿置脩書使開元十三年改集賢殿為集
 賢殿改麗正脩書使為集賢書院置大學士初以尚
 書左丞相張說為之自後多以宰相兼領又置學士
 五品已上官為之置學士六品已下官為之學士一
 人知院事一人副知院事又置侍講學士脩撰較理
 侍制直院簡討等官凡承旨撰集文章較理經籍月

終則進課于內歲終則考最於外又領史館掌脩國
 史監脩國史多以宰相為之又置脩撰以外朝官為
 之又置直館以未登朝官為之事具國史門又領知匭使
 唐太后垂拱元年置以達冤滯天寶九載改為獻納
 乾元元年復名匭嘗以諫議大夫及補闕拾遺一人
 充使受納訴狀每日暮進內向晨出之又尚書省自
 至德之後以他官分判戶部度支又置鹽鐵轉運使
 分六卿之職以成一時之務事具刑計門又五代梁開平
 二年改左右丞為左右司侍郎三年升尚書令為正
 一品後唐李琪以故相為御史大夫自後不置長興

元年拜右丞與左丞同並爲四品晉天福五年拜御史中丞爲清望正四品門下中書侍郎爲清望正三品左右諫議大夫爲清望正四品七年又詔門下侍郎位在左散騎嘗侍之下先是開元已後兩省侍郎皆帶平章事罕有單爲之者至是竇貞固自刑部侍郎遷門下侍郎而不帶平章事故有是詔周顯德五年又詔諫議大夫改爲正五品班在給事中之下大夫出入宮闈陪侍左右或典治憲度或協佐樞機或贊相禮容或出給詔命或切問近對或獻可替否蓋朝廷之劇任公台之歷試也非夫器識通茂材行交

脩以慎密而基心以明達而致用孰可膺眷簡而處清要乎故稱任者有公忠清慎之節博洽謨猷之能充羽儀於臺閣爲圭璋于簪冕焉至于非其才者有窺伺躁競之心朋附貪黷之迹故多士之所惡明庭之攸玷焉今總述其事以垂于後庶使見其善而仰止懲其惡而自戒凡臺省部二十九門云

選任

夫知人則哲能官人安民則惠大禹之訓也慎簡乃僚其惟吉士周穆之命也蓋邦國治亂在乎庶官選賢任能其來尚矣自舜命衆職以熙帝載西漢之後

政歸尚書機務所出推擇斯妙或以政事用或以文學升內則參侍左右論思治道外則坐曹夙夜脩明官業厥職尤重其才益難詳求遺策鋪觀歷代曷嘗不慎選衆之舉致得人之盛哉

虞舜曰疇若予工僉曰禹哉問誰能順我百工事帝者朝臣奉禹禹臣各

曰俞咨禹汝共工共謂供禹拜稽首讓于受斯暨伯

與受斯伯與二臣名帝曰俞往哉汝諧汝能諧和此官帝曰疇若予

上下草木鳥獸僉曰益哉上謂山下謂澤順謂順其政殺之有時用之有節言

伯益帝曰俞咨益汝作朕虞益拜稽首讓于

朱虎熊羆帝曰俞往哉汝諧朱虎熊羆二臣名禹益所讓四人皆在元凱之

帝曰龍朕聖讒說殄行震驚朕師聖疾殄絕震動也言我疾讒說

絕君子之行而動驚我衆欲過絕之命汝作納言夙夜出納朕命惟允

納言喚舌之官聽下言納于上受上言宣于下必以信

漢張安世少以父任爲郎用善書給事尚書武帝行

幸河東亡書三篋詔問莫能知惟安世識之具作其

事後購求得書以相較無所遺失帝奇其才擢爲尚

書令

孔光爲博士成帝時博士選三科高爲尚書次爲刺

史其不通政事以久次補諸侯太傅光以高第爲尚

書

後漢衛颯建武二年辟大司徒鄧禹府舉能案劇除
侍御史

胡廣字伯始舉孝廉試爲天下第一旬日拜尚書郎
周舉爲諫議大夫順帝時詔遣八使巡行風俗皆選
有威名者乃拜舉侍中
翟酺爲侍中時尚書有缺詔將軍大夫六百石以上
試對政事天文道術以高第者補之繇是酺對第一
拜尚書

虞植爲廬江太守歲餘復徵拜議郎與諫議大夫馮
日磾議郎蔡邕楊彪韓說等並在東觀較書中五經

記傳補續漢紀靈帝以非急務轉爲郎中遷尚書

潘勗獻帝時爲尚書郎遷右丞詔以勗前在二千石

曹才敏兼通明舊事勅並領本職

蔡邕舉高第補侍御史遷尚書三日之間用歷三臺

遷巴郡太守復留爲侍中

張馴爲議郎擢拜侍中典領祕書近署甚見納異

魏孫資劉放文帝卽位同轉爲左右丞數月放徙爲

令黃初初改祕書爲中書以放爲監資爲令各加給

事中遂掌機密明帝卽位尤見寵任

盧毓文帝時爲侍中詔曰官人秩才聖帝所難必須

良佐進可替否侍中毓稟性貞固心平體正可謂誠
 明有功不懈于位者也其以毓為吏部尚書使毓自
 選代者曰得如卿者乃可毓舉嘗侍鄭冲帝曰文和
 吾自知之更舉吾所未聞者乃舉阮武孫邕帝於是
 用邕
 吳張純字元基少厲操行學博才秀而切問捷對容
 止可觀擢拜郎中
 李肅字偉恭南陽人少以才聞善論議臧否得中甄
 奇錄異薦述後進題目品藻曲有條貫以此人服之
 權擢為選曹尚書

晉安平王孚宣帝弟也仕魏為清河太守初魏文帝
 遣度支尚書專掌軍國支計朝議以征討未息勸須
 節量及明帝嗣位欲用孚問左右曰有兄風不答曰
 似兄帝曰吾得司馬一二人復何憂哉轉為度支尚
 書

裴楷為尚書郎武帝為撫軍以楷為叅軍事會吏部
 郎缺文帝問其人於鍾會會曰裴楷清通王戎簡要
 皆其選也於是以前楷為吏部郎

羊祜為祕書監散騎嘗侍泰始初詔曰夫摠齊機衡
 允釐六職朝政之本也祜執德清邵忠亮純茂經緯

文武審審正直雖處駿心之任而不揔樞機之重非
垂拱無爲委任責成之意也其以祜爲尚書右僕射
衛將軍給本營兵

陳劭爲燕王師泰始中詔曰劭清身潔靜行著邦族
篤志好古博通六籍耽悅其誥老而不倦宜在左右
以篤儒教可爲給事中

文立爲太子中庶子武帝詔曰立忠貞清寔有思理
器幹前在濟陰政事脩明後事東宮盡輔導之華昔
光武平隴蜀皆收其賢才以叙之蓋所以拔幽滯而
濟殊方也其以立爲散騎嘗侍

王戎爲議郎太熙元年詔曰夫揔百揆之得失管王
政之通塞者端右之職也漢代以來每選此官必慎
其人議郎王戎可爲尚書令
劉頌爲淮南相元康初從淮南王允入朝會誅楊駿
頌屯衛殿中其夜詔以頌爲三公尚書
陸曄元帝時爲太子詹事時帝以侍中皆北士宜兼
用南人曄以清貞著稱遂拜侍中
謝尚鎮雒陽都督豫州揚州之五郡軍事在任有政
績上表求入朝因留京師置僕射事

溫嶠爲散騎嘗侍侍講明帝手詔曰卿旣以令望忠

允之懷著于周旋且文厲而古遠宜居深密今欲以
卿爲中書令朝論亦咸以爲宜

王洽字敬和成帝時爲中書令帝曰敬和清裁昔爲
中書郎吾尚小數見意甚親之今以中書令欲共講
文章之事也

宋徐湛之爲尚書僕射初劉湛伏誅毀景仁卒文帝
委任沈演之庾炳之范曄等後又有江湛何瑀之曄
誅炳之免演之瑀之並卒至是江湛爲吏部尚書與
湛之並居權要世謂之江徐焉

蕭思話自雍州刺史徵爲吏部尚書文帝詔思話曰

沈尚書暴病不救其體業貞審立朝盡公年時尚可
方相委任奄忽不永痛惋將深總管要機通塞所寄
仗人才用體國二三惟允

王景文爲司徒左長史孝武以散騎嘗侍舊與侍中
俱掌獻替欲高其選以景文及會稽孔覲俱南北之
望並以補之

孔覲爲臨海太守初晉世散騎嘗侍選望甚重與侍
中不異其後職任閒散用人漸輕孝建三年孝武欲
重其選詔曰散騎職爲近侍事居規納置任之本寔
惟親要而頃選嘗侍陵遲未允宜授時良永寘清激

於是吏部尚書顏峻奏曰嘗侍章選職任候才新除
臨海太守孔覲意業閑素司討長史王彧懷尚清理
並在爲散騎嘗侍帝不欲威權在下其後分吏部尚
書置二人以輕其任侍中蔡興宗謂人曰選曹要重
嘗侍閑淡改之以文而不以寔雖主意欲爲輕重人
心豈可變耶既而嘗侍之選復卑選部之貴不異覲
領本州大中正
王彧爲侍中時孝武選侍中四人並以風貌彧與謝
莊爲一雙阮韜何偃爲一雙嘗充兼假
南齊謝朓自中書郎出爲宣城太守以選復爲中書

中書郎

江敳轉都官尚書領驍騎將軍王晏啓武帝曰江敳
今重登禮閣兼掌六軍慈渥所覃寔是優榮但語其
事任殆同閒董天旨既欲升其名位愚謂以侍中領
驍騎望實清顯有殊納言帝曰敳嘗啓吾爲其鼻中
惡今既以何胤王瑩還門下故有此回換耳
梁孔休源爲臨川王府行叅軍武帝謂徐勉云今帝
業初構須一人有學藝解朝儀者爲尚書儀曹郎勉
曰孔休源識見清通詳練故事自晉宋起居注畧誦
上口帝亦聞之即日除兼尚書儀曹郎

張緬為太子舍人殿中郎缺武帝謂徐勉曰此曹舊用文學且居鴈行之首宜詳其人勉舉緬充選

劉孝綽為太子舍人兼尚書水部郎中啓陳謝手勅

答曰美錦未可便宜簿領亦宜稍習頃之卽真後自

令遷秘書丞武帝謂舍人周捨曰第一官當用第一人故以孝綽居此職

到沆為洗馬管東宮書記散騎省天監二年詔尚書

郎在職清能或人才高妙者為侍郎以沆為殿中曹

侍郎沆從父兄溉洽並有才名時皆相代為殿中曹

世榮之

蕭介為散騎嘗侍會侍中闕選司舉王筠等四人並

不稱旨武帝曰我門中久無此職宜用蕭介為之博

物強識應對左右多所規正帝甚重之遷都官尚書

每軍國大事必先詢談於介焉帝謂未异曰端古之

材也

王通為給事黃門侍郎侯景之亂奔于江陵元帝以

為散騎嘗侍遷守太嘗卿自侯景亂後臺內官室普

皆焚燼以通兼起部尚書歸於京師專掌繕造

陳蕭弘為黃門侍郎吏部侍郎缺所司屢舉王寬謝

燮等帝並不用乃中詔用弘

姚察為吏部尚書雅允朝望初吏部尚書蔡徵移中

書令後主方擇其人尚書令江總等咸薦察勅答曰
姚察非唯學藝優博亦是操行清脩典選難才今得
之矣乃神筆草詔讀以示察察辭讓甚切後主曰選
士之舉僉議所歸昔毛玠雅量清恪盧毓心平體正
山濤舉不失才就卿而求必兼此矣且我與卿雖君
臣禮隔情分殊嘗藻鏡人倫良所期寄亦以無慙則
哲也

江總至德中授尚書令策曰於戲夫文昌政本司會
治經韋虎謂之樞機李固方之斗極况其五曹斯綜
百揆是諧同冢宰之司專中臺之任惟爾道業標峻

守量弘深勝範清規風流以為準的辭宗文學衣冠
以為領袖故能師長六官具瞻允塞明府八座儀形
載遠其端朝握揆朕所望焉往欽哉懋建爾徽猷亮
采我邦國可不慎歟

後魏崔玄伯為尚書道武天興元年十一月詔尚書
吏部郎中劉淵典官制立爵品定律呂協音樂儀曹
郎中董鑑撰郊廟社稷朝饗燕之儀三公郎中王德
定律令申科禁太史令晁崇造渾儀考天象玄伯總
而裁之

荀頊獻文時為雒州刺史承明元年文明太后令百

官舉才堪幹事人足委仗者於是公卿咸以頡應選
徵拜散騎嘗侍殿中尚書

宋弁爲散騎嘗侍遷右衛將軍領黃門弁屢讓孝文
曰吾爲相加者卿亦不可有辭豈得專守一官不助
朕爲治且散騎位在中書之右嘗侍者黃門之庶况
領軍者三衛之假攝不足空存推讓而弁大委後孝
文車駕征馬圈留弁以本官兼祠部尚書攝七兵事
及行執其手曰國之大事在祀與戎故令卿綜攝二
曹弁頓首辭謝

裴夙字宵輿沉雅有器識儀望甚偉孝文見而異之

自司空主簿轉尚書左主客郎中

范紹少聰敏頗涉經史孝文選爲門下通事舍人遷
錄事合掌奏文帝善之又謂侍中李冲黃門崔光所
知出內文奏多以委之帝曾謂近臣曰崔光從容范
紹之力

崔振爲高陽內史孝文南討徵兼尚書左丞留京振
旣才幹被擢當世以爲榮

崔亮爲尚書二千石孝文在雒欲弼革舊制選置百
官謂羣臣曰與朕舉一吏部郎必使才望兼允者給
卿三日假又曰朕已得之不煩卿輩也馳驛徵亮兼

吏部郎

朱元旭爲尚書度支郎中孝明神龜之末以郎選不
精大加沙汰元旭與隴西辛雄范陽祖瑩泰山羊深
西平源子恭並以才用見留

辛雄神龜中除尚書駕部郎中轉三公郎其年沙汰
郎官惟雄與羊深等八人見留餘悉罷遣後兼司州
別駕加前軍將軍冀州刺史侯剛啓爲長史孝明以
雄長於世務惜不之用更除司空長史

羊深爲尚書駕部郎中于時沙汰郎官務精才實深
以不堪見留在公明斷尚書僕射崔亮吏部尚書甄

琛咸敬重之孝明行釋奠之禮講孝經深於儕輩中
獨蒙引聽時論美之

李業興爲通直散騎侍郎普泰元年沙汰侍官業興
仍在通直

北齊宋游道初仕東魏爲大將軍司馬文襄以吏部
郎中崔暹爲御史中尉以游道爲尚書左丞謂暹游
道曰卿一人處南臺一人處北省當使天下肅然
崔昂爲廷尉卿文宣幸東山百官預讌帝召昂於御
座前御曰舊人多出爲州我欲以臺閣中相付當用
卿爲令僕勿望刺史卿六十外當與卿本州中間不

可得也天保十年策拜儀同燕子殿百司陪列昂在
行中文宣特召昂在御所曰歷思羣臣可綱紀省闈
者唯冀卿一人即日除爲兼右僕射數日後昂因入
奏事帝謂尚書令楊愔曰昨不與崔昂正者言其太
速欲明年真之終事除正何事早晚可除正僕射明
日卽拜爲真
張景仁除通直散騎嘗侍及奏御筆點通直字遂以
爲正嘗侍

後周樂遜爲太學助教閔帝踐祚以遜有理務才除
秋官府上士

韋瑱自行臺左丞出爲郢州刺史復入爲行臺左丞
瑛明察有幹局再左轄時論榮之

李旭爲御正中大夫時以近侍清要盛選國華乃以
旭及安昌公元則中都公陸逞臨淄公唐謹等並爲
納言

隋楊注爲雒州長史高祖嘗謂諫議大夫王達曰卿
爲我覓一好左丞達遂私於注曰我薦君爲左丞若
事果當以良田相報也注以達言奏之達竟以此獲
罪卒拜注爲尚書左丞

斛斯政煬帝時爲尚書兵部郎遼東之役兵部尚書

段文振卒侍郎明雅復以罪廢帝彌屬意尋遷兵部侍郎

唐盧承慶美風儀博學有才幹貞觀初爲泰州都督府戶曹參軍因奏河西軍事太宗奇其明辯擢考功員外郎

李道裕太宗時爲將作少監會刑部尚書張亮又帝命百寮議其獄多言亮當誅惟道裕言亮反形未具明其無罪太宗既盛怒竟斬于市籍沒其家歲餘刑部侍郎有闕令執政者妙擇其人累奏皆不可太宗曰朕得其人也往者李道裕議張亮云反形未具此

言當矣時雖不卽從至今追悔遂授道裕刑部侍郎岑文本爲中書舍人時中書侍郎顏師古以謹免職溫彥博言於太宗曰師古諳練政事長於文誥時無逮者冀上復用之太宗曰我自舉一人公勿憂也於是

是以文本爲中書侍郎楊弘禮爲中書舍人太宗有事遼東以弘禮有文武材擢拜兵部侍郎專權兵機之務

王及善則天時爲益州都督府長史以老病致仕加光祿大夫後契丹作亂東山不安召授滑州刺史顧曰卿比在外知國家事有何不穩及善陳理亂之宜

十餘道則天曰彼末事也此爲本也卿不可行遂留拜內史

任雅相爲右驍衛將軍兵部侍郎高宗聞其廉正擢爲兵部尚書兼受將相之任

崔玄暉爲天官侍郎每介然自守都絕請謁頗爲執政者所忌轉文昌左丞經月餘則天謂曰自卿改職以來選司大有罪過或聞令史乃設齋自慶此欲盛爲貪惡耳今要復舊任又除天官侍郎

李昭德爲鳳閣侍郎長壽二年增置夏官侍郎三員時選昭德與婁師德侯知一爲之

席豫爲吏部侍郎玄宗謂之曰以卿前爲考功職事平允故有此授

蘇頲爲工部侍郎玄宗謂宰相曰有從工部侍郎得中書侍郎否對曰任賢用能非臣等所及帝曰蘇頲可中書侍郎仍供政事食明日加知制誥有政事食自頲始也頲入謝帝曰常欲用卿每有好官闕卽望宰相論及宰相皆卿之故人卒無言者朕爲卿嘆息中書侍郎朕極重惜自陸象先改後朕每思之無出卿者

趙退翁自湖南觀察使受代歸京師閣門靜居不與

人交往久之特召對於別殿退翁多學問有詞辯敷奏稱旨德宗悅之拜給事中

蔣乂爲司勳員外郎貞元十八年時集賢闕學士求者甚衆會詔問神策軍建置之繇相府討求不知所出乃訪於乂乂徵引根源對甚詳悉宰臣高郢鄭珣瑜相顧曰集賢有人矣翌日詔兼判集賢院事

趙宗儒貞元六年爲司勳員外郎判考功宗儒復行貶考之令自至德以來考績之司事多失實嘗叅官及諸州刺史未嘗分其善惡悉以中上考褒之及是褒貶稍明人知戒懼帝善之遷宗儒考功郎中

薛播貞元中爲禮部侍郎朝廷難貢舉之任以播素有監裁遂膺其命

李遜元和中爲浙江東道觀察使入朝憲宗曰諫官給事中若除授有私政乖允當各令論駁舉其職業以遜浙東有政能遷爲給事中

呂元膺元和中爲給事中出爲同州刺史及入謝憲宗問以時政得失元膺論奏詞甚激切帝嘉其剛正翌日爲宰臣曰呂元膺讜言直氣今欲留在左右使言得失卿等以爲何如李蕃裴瑄進賀曰陛下納諫超寇前王乃宗社無疆之福臣等不能廣求直士又

不能數進直言孤負聖心合當罪責今請以元膺復
爲給事中以備顧問帝悅而從之

孟簡長慶中代崔羣爲戶部侍郎是官有二員其判
使案者別居一署謂之左戶元和以還號爲清重之
最宰輔登用多繇此而去故羣入相以簡代焉

班肅爲坊州刺史長慶初以肅爲司封員外郎時宰
臣上言曰將欲清風俗必在厚人倫竊見皇甫鏐惟
位盛時班行之中多所親附及得罪後議論立變憎
嫉如讐俗之衰薄一至於此唯班肅以曾爲郎官判
度支案終始如一獨送出城周行之間多美其事今

廊秩已罷望授一省官以表其行故有是拜

韋饒爲戶部侍郎長慶四年十月以饒爲御史中丞
兼戶部侍郎以御史中丞鄭覃爲權知工部侍郎以
刑部侍郎韋景爲吏部侍郎以權知禮部侍郎李宗
閔爲權知兵部侍郎以工部侍郎于敖爲刑部侍郎
以中書舍人楊嗣復權知今年貢舉是日尚書六曹
無不更換人情異之

王播爲河南尹太和二年十月以播爲尚書右丞勅
吏部今年東都選事宜令播權判侍銓試畢日領官
吏赴上都

柳公權以中書舍人翰林學士兼侍書開成二年四月以公權爲諫議大夫知制誥學士侍書如初初上手便殿召公權周墀對公權論事切直忤旨周墀爲之惴慄公權詞氣益堅帝徐謂公權曰朕知舍人不合却作諫議以卿論事有爭臣之風今授卿諫議大夫翌日詔下

魏謩爲起居舍人克弘文館直學士開成四年以謩爲諫議大夫兼起居舍人克弘文館直學士詞云朕以邦國之大機務之多患有未周化有所未洽不有忠讜之士左右輔益速暗無燭不其難歟今卽高

選正人俾居諫省朝政闕失期乎必聞是用簡自朕心特申獎命所期稱職豈限賞資謩累躋讓官帝遣宰臣宣旨謩乃就官

元晦爲吏部郎中會昌三年二月除右諫議大夫制曰昔汲黯薄淮陽守頭出入禁闥補過拾遺則諫諍之任實資諒直我求其比今得正人吏部郎中元晦往在內廷曾感先顧奮發忠懇不私形骸俯伏青蒲至于零涕數共工之罪不救堯聰辯垣平之詐益彰文德近因旌別邪正宰弼上言以魯公藏器莫如冥華於左右漢后葺檻孰若劉海於公卿是用命爾登

于文陞爾其副我寵擢不替初心無沽小名以枉大節勉服官業期于有終

周世宗顯德六年車駕幸滄州四月辛卯以前左諫議大夫薛居正為刑部侍郎權判吏部銓司公事仍賜金紫是時居正銜命先至滄州以均定民租為事帝說至聞其幹事故有是拜

明倫彙編

